



सानसेयारि 'बड'सा' खरीरालाइयाव  
समज्यादि जिज्जो लोखा थानाय रायथाय, खन्थाय,  
सल', सल'बाथा आरु हावबायादि थावनि, पार्क  
बाइदिनि स्यायाव लिन्नाय लिन्नाय दैथाय डर!  
सानसेयारि 'बड'सा' खरीरालाइया सेबरानानै  
फोखावगोन।  
बड'सायाव लिन्नायानि दुबा खालाम,  
'बड'सा' खरी नोथां, जो बयबो आंगो खालाम।  
सानसेयारि बड'सा मावखुनि  
माइबं नोगोर, जोहोलाव दैमालु लामा  
कक्राझार, बिदिसि-783370  
Website: www.bodosanewspaper.com

★ BODOSA ★ A Bodo News Daily ★ Wednesday ★ 8 May, 2024 Kokrajhar, BTC, Assam ★ Vol.- 34, Issue No. 42 ★ R.N.I. Regd.No. 40994/91, Assam Govt. Regd.No. IPRD. 40/2006/3, ★ Rs.8/-

## गिबि मन्थि ड० हिमन्त बिश्व शर्माआ बिसि-फिसाजोर्जो लोकोसे भट थुबाय

गुवाहाटी, 7 मे: आसामआव  
उथि खोलोबनि दरब्रै लकसभा  
बियाबआव बिसायख 'थिआ  
दिने गोजोने खुंजालाबाय। बे  
बिसायख 'थिखौ लानानै नो  
आसामनि गिबि मन्थि ड०  
हिमन्त बिश्व शर्माआ गावनि  
सुबुंखाथिनि मोन्थाय महरआव  
दिने भट थुयो। बिथाड बिसि  
रिनि कि भुजा शर्मा आरो  
फिसाजो सुकन्याजो लोकोसे  
गावनि भट मिरु आमिनगाव  
बंगलि गोजो फरायसालिआव  
भट होफेदो। मख 'नो गोनांदि,  
आगुनि गुवाहाटी बियाबनि



सोलायै बे खेबआव बिथानि भट  
थुया मिरुआ बरपेटा लकसभा  
बियाबनि सिडव थाफेदो। बे  
मिरुआव गासै मोन 1613 भट  
दड होनानै मिबथिनो मोनाय

जादो। फासैथि भट थुबांनयनि  
उनावनो गिबि मन्थि शर्माआ  
दोल गबिन्द मन्दिआव  
दावबायफेयो। बिथाडा बे  
(□ 5 बिलाइआव)

## बिपिएफनि बिजाथिया मोननैबो बियाबाव देरहागोन: हाग्रामा महिलारी

कक्राझार, 7 मे: दिने  
कक्राझारआव गाज्रि बोथोरनि  
गेजेराव थामथि खोलोबनि लक  
सभा बिसायख 'थिआ गोजोने  
जोबलाडो। मोनसे समनि  
दावराव-दावसि ओन्सोलाव  
गोजोन फैफिनयनि उनाव, भट  
होग्राफोरा फुनि 6 रिगानिफ्राय  
गाव-गावनि भट मिरुफोराव  
सारि जानानै गोजोने भट होयो।  
दिनेनि सानाव ककराझारनि  
मोनफ्रोमबो भट मिरुआव भट  
होग्राफोरेनि गोलाव सारिखो गुनो  
मोनाय जादो।



मख 'नो गोनांदि, बिपिएफनि  
आफादगिरि हाग्रामा महिलारीआ  
कक्राझारनि देबोरगाव गोजोसिन  
गेजेरारि फरायसालिनि भट

मिरुआव गावनि भट होयो। भट  
होनायनि उनाव हाग्रामा  
महिलारीआ खौरां बिजोनि  
सिगाडव बुडेदि, बिपिएफनि

बिजाथिफोर कक्राझार आरो दर-  
उदालगुरि मोननैबो बियाबाव  
देरहागोन। कक्राझारआव  
बिपिएफनि बिजाथिया खमैबो

नै लाखनि फारागथियाव  
देरहानाया रोखा होन्ना बुनानै  
बिपिएफआ एलडिए आरो  
(□ 5 बिलाइआव)

## उथि खोलोबनि लकसभा बिसायख 'थि 2024 आव गाहाइ मन्थि नरेन्द्र मदिआ गान्धी नगर बियाबआव भट थुबाय

### सुबुंखाथिखौ फोर्बो बायदि फालिनांगोन: गाहाइ मन्थि



गोदान दिल्ली, 7 मे: दिने  
मंगलबारखालि लकसभा  
बिसायख 'थि उथि खोलोबनि  
भट थुनाय हाबाफारिया  
खुंजाबाय। गासै दर 10 रइज्यो  
आरो दरसे मिरु खुंथाइ  
ओन्सोलनि गासै मोन 94

मन्थि अमित शाहमोनहा जुथायै  
थाना भट थुहैदो। फुनि 7:43  
रिगायाव गाहाइ मन्थि नरेन्द्र  
मदिआ भट थुयो। भट थुनायनि  
सिगां सशेल मिडियाआव  
गाहाइ मन्थिआ मोनसे परस्ट  
खालामनानै होदो। उथि  
खोलोबनि भट थुनाय फोर्बोआव  
हादतनि थागिबिफोरनिमि रेकर्ड  
अन्जिमानि भट होनो बिथाड  
खावलायो। बिथाड परस्टआव

(□ 5 बिलाइआव)

## चिरानि भट मिरुआव भटारनि जिउ खहा

काजलगाव, 7 मे: दिने  
खुंजानाय जोबथा खोलोबनि  
बिसायख 'थियाव ककराझार  
लक सभा बियाबनि सिडव  
थानाय चिरानि गं 35 डंग्राइगाव  
एलपि फरायसालिनि भट  
मिरुआव मोनसे दुखुनांथाव  
जाथाय सोमजोयो। सासे  
भटारआ मोनसे भट मिरुआव  
भट होनो न'निफ्राय फैनानै  
दुखुनांथाव महरै जिउ खोमानो  
गोनां जायो। थैनाय भटारखौ  
काजलगाव पुलिस थानानि  
सिडव थानाय नेपालपारानि

## कक्राझार, बरपेटाआव कंग्रेसनो गुबुन गुबुन हारि-माहारिआ भट होदो: सान्तनु शर्मा

भबानिपुर, 7 मे: उथि  
खोलोबनि लकसभा  
बिसायख 'थिनि दिने भट होनाया  
जोबनायनि उनाव कक्राझार आरो  
बरपेटा लकसभा बियाबआव भट  
सान्नायाव कंग्रेसनि बिजाथिया  
खुंथाइ दोलोनि बिजाथिजो  
गोखो जुजिलायगोन होनानै  
आसाम प्रदेश कंग्रेस दोलोनि  
गाहाइ नेहाथारि सान्तनु शर्माआ  
दाबि खालामदो। आसाम प्रदेश  
कंग्रेस दोलोनि गाहाइ नेहाथारि  
सान्तनु शर्माआ दिने खौरां गिरिनि  
सिगाडव दाबि खालामोदि,



कक्राझार लकसभा बियाबआव  
कंग्रेसनि बिजाथि गर्जन मुसाहारि  
आरो बरपेटा लकसभा  
बियाबआव कंग्रेसनि बिजाथि

दिप बायनआ देरहानायनि  
लामायाव। कंग्रेसनि दखलआव  
थानाय बरपेटा लकसभा  
बियाबआव फिन कंग्रेसनि

आखायावनो भटार राइजो-  
राजाफोरा गथायना होनायनि  
थांखिजो दिने गोबां भटारफोरा  
(□ 5 बिलाइआव)

## कक्राझार लकसभा बियाबनि सालबारियाव दरथाम जायगायाव इभिएम गाज्रि जादो

सालबारि, 7 मे: रइज्योनि दरब्रै लकसभा बियाब बिसायख 'थिनि  
भट थुनाय हाबाफारिया दिने थुंगेलांबाय। कक्राझार लकसभा  
बियाबआव भट थुनाय हाबाफारिया गोजोने खुंजालाडो। दिने  
फुनिफ्राय गोजोने भट थुनाय हाबाफारिया थुंगेयोब्लाबो कक्राझार  
लकसभा बियाबनि सिडव थानाय बाक्सा जिल्ला सालबारि  
महकुमायाव फुं समाव मोनैसो जाथाइ सोमजिदो। सालबारि  
महकुमानि सिडव थानाय 413 नं. मतड गुदि फराइसालिनि भट  
थुया मिरुआव इभिएम मेसिनआ गाज्रि जादो। भटार रइज्यो-  
राजाफोरा से घन्टसो समनाडै इभिएम मेसिनआ गाज्रि जानानै  
थानायाव लारि थानानै नैथ 'नो गोनां (□ 5 बिलाइआव)



सालबारि, 7 मे: दिने खुंनाय  
लकसभा बिसायख 'थिनि उथि  
खोलोबनि एबा आसामआव  
जोबथा खोलोबनि भट थुनाया

जेबो गुलाय-गुजाय गैया जासे  
जाफुंसारे खुंजाबाय। अखा हनाय  
थासारिनि गेजेरावबो बजाली  
बिसायख 'थि जिल्लयाव सा

भट थुया मिरु, सासे जर'खायै  
बे'गुरा बिबानगिरिफोरनि  
बान्जयनायाव सामलाय जानाय  
भट थुया मिरु आरो मोनब्रै  
आदर्श भट थुया मिरुखौ  
लाफानानै गासै मोन 470 भट  
थुया मिरुआव भट होया राइजो-  
राजाफोरनि अन्साइनाया  
मिजिथिनाय बायदि जादो।  
मोनाबिलिनि 5:00 रिगासिम  
बजाली बिसायख 'थि जिल्लानि  
सिडव थानाय भबानिपुर-सरभग  
बियाबआव भटारफोरनि हारआ  
(□ 5 बिलाइआव)

उदालगुरि, 7 मे: उदालगुरि जिल्लानि माजबातनि आसाम-  
अरुनाचल प्रदेश सिमना ओन्सोलाव पुलिसआ फिन गोबां बिबानि  
गान्जा हमनो हायो। मिथिनो मोन्नाय बादिब्ला, मोनसे संगालि  
सुलुनि बिथायाव माजबात पुलिस थानानि बिबानगिरि सन्जय  
कुमार दुबे आरो लालपानि पुलिस (□ 5 बिलाइआव)



उनावनो पापनआ खौरां बिजोनि  
सिगाडव बुंदोदि, हारिसुनि  
बिथिडव खामानि मावनाय  
मोनसे सरकाखौ हास्थायदो।  
पापनआ बुंदोदि, करियान  
मिजिकआ मुलुगनाडै मुंदांखां  
जादो। बेनि सरकारआ 20  
(□ 5 बिलाइआव)

## आसामनि जोबथा खोलोबनि भट थुनाया बेलासिनि 5:00 रिगासिमाव 74.86 जौखोन्दो भट थुजादो



गुवाहाटी, 7 मे: रइज्योआव  
उथि खोलोबनि लकसभा  
बिसायख 'थिनि भट थुनाय  
हाबाफारिया जाफु'सारै  
जोबलांबाय। बेलासिनि 5:00  
रिगा जानाय लोको-लोको भट  
थुनायआ हाबाफारि बायदिथै  
थुंगेदो। नाथाय भट मिरुनि

सिडव थानाय सुबुंफोरनि भट  
थुनाय हाबाफारिया सोलिबाय  
थादो। उथि एबा जोबथा  
खोलोबनि भट थुनाया थुंगेनाय  
लोको-लोगोनो आसामआव  
हाबाफारि बायदिथै लकसभा  
बिसायख 'थि -2024 आ  
गोजोने थुंगेलांबाय। जोबथा

खोलोबनि आसामनि दरब्रै  
बियाबआव बिसायख 'थि  
खुंनाय जादो। बरपेटा, गुवाहाटी,  
कक्राझार आरो धुबुरि बियाबआव  
दिने खुंनाय बिसायख 'थियाव  
सा 47 बिजाथिफोरनि  
खाफालआ इभिएमआव जोबथे  
जानानै थादो। उथि खोलोबनि

बिसायख 'थियाव दरब्रै बियाबनि  
हेभिनेट बिजाथिफोरा जाबाय-  
गुवाहाटीआव बिजेपिनि बिजुली  
कलिता मेधि आरो कंग्रेसनि मिरा  
बराठकुर। बरपेटा बियाबआव  
बादायलायदो पनिभुषन चौधुरि,  
दिप बायन, मनरन्ज तालुकदार  
(□ 5 बिलाइआव)

## लासै-लासै जो गोजो थाखोनि हादतसिम सौहैगासिनो दड: अंगराग पापन महन्त

गुवाहाटी, 7 मे: गावनि  
सुबुंखाथिनि मोन्थाय महरआव  
आसामनि मुंदांखा देंखोगिरि  
अंगराग पापन महन्तआ  
रइज्योआव उथि खोलोबनि  
बिसायख 'थियाव भट थुयो।  
दिने बिथांआ बिसिजो लोकोसे  
भट थुफेदो। भट थुनायनि



उनावनो पापनआ खौरां बिजोनि  
सिगाडव बुंदोदि, हारिसुनि  
बिथिडव खामानि मावनाय  
मोनसे सरकाखौ हास्थायदो।  
पापनआ बुंदोदि, करियान  
मिजिकआ मुलुगनाडै मुंदांखां  
जादो। बेनि सरकारआ 20  
(□ 5 बिलाइआव)

## फैगौ 9-10 मेआव समुवागातिआव गेवलां बिहु बादायलायनाय आरो हारि-माहारियारि फोर्बो खुंगोन

भबानिपुर, 7 मे: बाक्सा जिल्लानि सालबारि महकुमानि खाथियाव  
थानाय सामुवागातिनि श्री श्री कामाख्या देबालयनि लांगोनायाव  
फैगौ 9-10 मेआव गाति दख 'रा फरायसा आफादिनि बान्जयनायाव,  
सालबारि मिरु फरायसा आफाद आरो गेजेर बिजनी फरायसा आफादिनि  
हेफाजाबाव मेहेर गोनां हाबाफारिजो दुलाराय आसाम बिथानि गेवलां  
बिहु बादायलायनाय आरो हारि-माहारियारि फोर्बो खुंनो थियायि  
जादो। साननैनि मेहेरगोनां हाबाफारियाव 9 मेखालि फुनि 9:00  
रिगायाव फरायसा आफादिनि फिर्फिला बिरहोगोन गाति दख 'रा  
फरायसा आफादिनि आफादिगिरि सन्जि उजिरआ। 9:30 रिगायाव  
बिहुनि फिर्फिला बिरहोगोन बान्जय आफादिनि आफादिगिरि कुलदिप



दासआ। 10:00 रिगायाव मुंखंफोरनो मान बाउनाय हाबाफारिखो  
बेखेवनानै होगोन सालबारि मिरु (□ 5 बिलाइआव)

## सुजुगिरिनि खोलोम

### सि-जोम दाग्राफोरासो बर 'नि दानाय-लुनाय हारिमुखौ लाखियो

बुंस हाथै समनफ्रायनो गामिआव राइजो जाग्रा सुबुंफ्रा दानाय लुनायखौ गोनां आरिमु महैरै गोबाना लाबोदों। बर' माहारिनि गेजेराव बाश्रा फंसे दइ; 'जाय हिन्जावा दानाय लुनायाव आखाय गैया बे हिन्जाव सिख्लाखौ रावबो हाबा खालामा'। बाश्राया नंखाय नइ। गामिआव नख'रफ्रोमबो साल-गान्दैजों समायना इसानसालि थानायमोन। मेसें बोथोर सौफेनाय लोगो लोगो नख'र नख'र सि सोंनाय, नो-खन्नाय, बिनि उनाव गान्दैआव खुन्दुंखौ फाना सालाव दानाय। गामिआव हाबहैब्लानो नख'र नख'र खालथां-खालथां, माखु गाबनाय सोदोब खोनानो मोन्नायमोन। आथिखालाव नाथाय गामिफ्राव हाबहैब्ला माखु गाबनायखौ बारा खोनानो मोनलिया। मानि जाहोनाव गामिनि आइजोफ्रा सि दानायखौ नागरनो हमखो, बेखौबो गोथौसै साननो गोनां जावया। गोदोफोर खुन्दुंखौ गाव गावनो बाइदि रोखोम मुवाजों गोमो-गोथां, गोजा-गोमो बाइदि रोखोम मुवाजों बाइदि बाइदि गाव गावानै सि दानायमोन। दानिया नाथाय, हाथायाव मोन्नाय गोजा गोथां गोमो बाइदि रोखोम गाबनि खुन्दुं बायनानै दखना, जोमग्रा सिमा बाइदि बाइदि रोखोमनि सि दाबाय।

गोदो गामि गामि इन्दि बिफानि बागान खालामना एम्फौ फिसिनानै फिथोबनिफ्राय इन्दि, खुन्दुं दिहुन्नानै इन्दि सि दानायमोन। नख'राव जोमनो दोन्नाबो गुबुन्नोबो फानहरोमोन। इन्दि सिनि बेसेनआ गोदोनिखुइ आथिखालाव गोबां बांसिनबाय। गोबां रोखोमनि इन्दि सि दानानै दिहुन्नो हायोब्ला बेनिफ्रायबो गोबां रां मोननो हायो। बेजोंनो नख'रनि गथ'-गथायनि गान्नाय-जोमनायखौबो बुथुमनानै लानो हायो। आथिखालनि सुबुंफ्रा नाथाय इन्दि सिखौ जोमालासेनो हाथायाव मोनफुनाय बाइदिसिना सि-जोमफोरखौबो बायनानै जोमसे।

सि-जोमनि फालांगि खालामनो माखासे आइजोफ्रा सिगांबोनायखौ नुनो मोन्दों। आइजोफोरनि दानाय-लुनायनि आफादफोर दानानै लानायबो नुनो मोनदोंसै। गोबां रोखोमनि उइभिं सेन्टाराव दखना, जोमग्रा बाइदि बाइदि सि-जोम दानानै हाथाय बाजाराव फाननोबो लाबाय। गामिनि सिखलाफ्रानो बे उइभिं सेन्टाराव एसेल' दानबान्थाजों दानाय-लुनाय हाबाखौ मावनो गोनां जायो। नाथाय बेजों उइभिंनि दाग्राफोरा बेसेबां मुलाम्फा दैखानो हादों बेबो मोनसे साननो गोनां। नुनो मोन्नाय बादियेब्ला उइभिंनिफ्राय दिहुनजानाय सि-जोमखौ फान्नायनि थाखाय गोनांथि बादियै गुवार रोखोमनि हाथाय गैया। नांगो रोखोमनि गुवार हाथाय गैयाब्ला उइभिंफ्रा थानानै थानांगौआ गोब्राब। हादतनि बाइजोआवबो बे रोखोमनि हाथाय थानांगोन। जैरिखि-जाया माहारिनि हारिमु आरो आरिमुखौ फोथाना लाखिनानयनि लामाखौबो लाखिलानांगोन। जौनि हालामनि खुंथाया बर' आइजोफ्रा गोदो-गोदायनिफ्राय मावबोनाय दानाय लुनायनि आरिमुखौ फोथानानै लाखिनांगोन। खुंथायनि बिबानगिरिफ्राबो गामिफोरनि आइजोफोरखौ थुलुंगा होनानै खाथिना जाग्रा सुबुंफोरनो गानग्रा दखना गांसैनि खुन्दुंखौ जगायनानै सरकारा होनो हानांगोन। आथिखालाव गामियारि सुबुंफोरनि हाल-साला गाहाम नंलिया। जानाय-लौनायखौनो जगायनो हाथाब्ला गाननाय जोमनायखौ मात्रे जगायनो हानो? जैरिखि जाया थानानै थानायनि राहाखौ गामिनि सुबुंफोरनो होनो हानांगोन। बेनि लोगो लोगो माहारिनि हारिमु आरो आरिमुखौबो फोथानानै लाखिनांगोन।

## दिनैनि फान्जामुथि

### राशि बाइदियै मुनि गिबि हांखो

मेष : अ ल बृष : ऊ ब (उ ए इ) मिथुन : क छ (ड ङ)  
कर्कट : ड ह सिंह : म ट कन्या : प ट (ण ष)  
तुला : त र बृश्चिक : ब न धनु : ध ध (ढ फ)  
मकर : ख ज कुम्भ : ग श (स) मीन : द च (ख ज झ)

**मेष:** जेबो जेना गैयै सुखुयै थानो हागोन। मुवा-बेसाद बायनाय-फान्नायाव मुलाम्फा मोन्नो हागोन।

**बृष:** देहाफ्राव बोरैबाफोर जोखोमफोर मोनबाय बायनो हागौ। जैरैबो सांग्रा जानांगोन।

**मिथुन:** सरकारनि साखि मावनायाव जौगानायखौ मोन्नो हागोन। फारफ्रोमथिबो मोजां। गोजोन्नायखौ मोनगोन।

**कर्कट:** लोगो-दिगि अनलायनाय बांगोन। लोगोनि सोमोन्दोया गोर जागोन। मोजां सान।

**सिंह:** जेखियानो जाया शुभ खामानि मावनानै लानो हागोन। बे राशिनि थाखाय गाहाम सान।

**कन्या:** जेखि मावा फालांगियाव मुलाम्फा मोन्नो हागोन। फारफ्रोमथिबो मोजां।

**तुला:** माबाफोर गात्रि खैफोदआव गोलैबायनो हागौ। सांग्रा जानानै थानांगोन।

**बृश्चिक:** जेखि जाया जेनानिफ्राय बारग'नाय नइ। गोसो हमथानानै सोलिनगोन।

**धनु:** सोरबा मोजां सुबुंजों लोगो जालायनानै थानो हागोन। गोजोन्नायखौ मोन्नो हागोन।

**मकर:** सान्नाय-हनाय गासैबो फेलें थानो हागौ। जेखि मावा सांग्राडै मावनांगोन।

**कुम्भ:** गावनि मोजां मोन्नायजों जुलि जानो हागोन। गोसोखौ गोजोन मोनगोन। मोजां सान।

**मीन:** माबाफोर सान्नाय थांखिफोर दड'बा जाफुंनो हागौ। गोसोखौ रजानाय मोनगोन। मोजां सान।

# आमेरिकाया चीनखौ फेजेननो थाखाय स्विचब्लेड डू'न बानायगोन

वासिंटन डिस्, 7 मे: रासिया-युक्रेन दावहानि गेजेराव, चीनआ रासियानो बाइइ बेसेननि डू'न बानायनो थाखाय बिरोंदामिन होबाय थादों। बे डू'नजों, रासियाया युक्रेननि सायाव मोनसे सिमा मोनगासिनो दं। आमेरिकानि रैखाथि बिफान पेन्टागनआ समबाराव बुंदोंमोन दि आमेरिकाया दा बे बिरोंदामिनखौ फेजेननो थाखाय 'स्विचब्लेड 600' डू'न बानायगोन। जाय बाइइ बेसेननि आरो गोदान मुगानि जागोन। पेन्टागननि बायदिब्ला, बेनि थाखाय रेप्लिकेटर प्रग्रामनो रां होगासिनो दं। रेप्लिकेटर हाबाफारिया आमेरिकाखौ मोनसे आन्दोनि हाथियार बानायनायनि मोनसे बिथांखि। बे सानथांखिनि सिड्डाव, आमेरिकाया गोदान बिरोंदामिन बाहायनानै कम्पउटारजों सालायजानाय हाथियार बानायगासिनो दं। बेफोरखौ सालायनो थाखाय नोंथानो मानसिफोरनि गोनांथि गैया।



चीनआ आमेरिका नि सिगिनारयनि उनावबो रासियानो हाथियार जगायबाय थादों। दायो आमेरिकाया चीनखौ फिन्याय होनो थाखाय गोदान हाइ-टेक डू'न बानायगोन आरो इयुनाव बे डू'नफोरखौ गावनि हेफाजाबगिरिफोरनो होगोन। 2030 माइथायसिमाव, आमेरिकाया बेबादि हाथियार बानायगोन, जाय थोंजोडै चीननि हाथियारफोरजों बादायलायनो हागोन। बेनि

थाखाय, आमेरिका नि कम्पानी स्विचब्लेड एर'भिन'मेन्ट इंकनि स्विचब्लेड 600 डू'नखौ सायख'नाय जादों। बे डू'नफोरा 39 किल'मिटरसिम बिरनो हायो। बिसोरनि जुनिया बाश्राया बेनोदि बिसोरो लन्चनि 40 मिनिट सिगां खामानि मावै जायो। बेनि अनगायैबो, गोबां कम्पानिफोरा पेन्टागननो गोदान मुगानि हाथियार फाननो थियारि खालामगासिनो दं। आमेरिकानि संसदा बे हाथियारफोरखौ

बायनो थाखाय 4 रोजा कौटिखौ गनायथि होदों। आमेरिकाया 2025 माइथायसिमाव रोजा रोजा डू'न बानायनो थांखि लादों। बे डू'नफोरखौ जापान, फिलिपिन्स, ताइवानि आरो आमेरिका नि दिड्ड सांथि जाहाजफोराव सोफानाय जागोन। रासियानि रौनिया हन्जाया थानाय नै बोसोरनिफ्राय युक्रे नाव इराननि डू'नखौ बाहायगासिनो दं। इरानआ 2022 माइथायाव रासियानो

शाहिद-136 डू'न होदोंमोन। बिसोरनि मददजों रासियाया दावहानि जागायजेन्नायाव युक्रेननि गोबां बाहागोफोरखौ सामलायदोंमोन। मुलुगनि गोबां हादतफोरा कामिकाजे डू'न बाहायनायखौ सिमान जादों। बे समावनो, गोबां हादतफोरा बेखौ आन्दोनि गाग्लोबनायाव बाहायदों, नाथाय बेनि जाथायखौ गनायना लायाखै। आमेरिकानि रौनिया हान्जानि बायदिब्ला, इरानजों मदद होजानाय बिग्रायारिफोरा 2022 माइथायाव इराकाव आमेरिकानि सायाव खेब 10 गाग्लोबनायाव बेबादि फिसा डू'न बाहायदोंमोन। आजरबैजानआ थानाय माखासे बोसोरफोराव आर्मेनिया नि रौनियाफोरनि बेखायै तुर्कीआव बानायनाय बेबादि फिसा डू'नफोरखौ बाहायदोंमोन। बेयो अजरबैजानखौ आर्मेनिया नि सायाव गोजौआव सौहैनायाव मदद होदोंमोन। इरानजों मदद होजानाय हुथि बिग्रायारिफोराबो 2019

मायथाइयाव साउदि थावनि सुबिदाखौ बेरफुहोनो थाखाय बे डू'नफोरखौ बाहायदोंमोन। रासिया, चीन, इजराइल आरो तुर्कीनाव कामिकाजे डू'न दं, नाथाय आमेरिकानि कामिकाजे डू'नआ बयनिखुइबो जौगासिन। आमेरिकानि कामिकाजे डू'नफोरा बयनिखुइ बाइइसिन बेसेननि आरो बेयाव मोननै रोखोमफोर दं। स्विचब्लेड 300 सुइसाइड डू'न आरो स्विचब्लेड 600 सुइसाइड डू'ननि लिर थाया 2.26 किल'ग्रामल'। बेयो बाराव 15 मिनिटसिम थानो हागौ। बेखौ मोनसे सरसनस्त्रा म'नायावबो लांनो हायो। बे रोखोमसे स्विचब्लेड 600 नि लिरथाया 22 किल'ग्रामसिम। बेयो 40 निफ्राय 45 मिनिटसिम बाराव थानो हायो। बेयो सोरां हाथियारनि थाखोआव गोग्लैयो। बेफोर ओरैबायदि हाथियार जाय सुथुरनि ओन्सोलाव गिदिडे आरो जेब्ला मोनसे थांखिखौ नुयो अब्लासो गाग्लोबो। बेयो मिसाइल आरो डू'ननि गलायमोन्दे।

## शेयार बाजाराव ट्रेडिनि समखौ बांहोनो नेवसिदों

गोदान दिल्ली, 7 मे : सिक्किउरिटि एक्सेन्स बर्ड अफ इन्डिया (एसइबिआइ) आ नेशनेल स्टक एक्सेन्स (एनएसइ)नि बिथांखि लाबोनायखौ नेवसिगारदों। माखासे सम सिगां एनएसइआ स्टक ट्रेडिनि समखौ बांहोनयनि थाखाय बिथांखि लाबोदोंमोन।



बारायनायाव ब्रकार कमिउनिटिनिफ्राय हेफाजाब मोनाखै। बेनि जाहोनावनो सेबिया बे बिथांखिखौ नेवसिदों। ट्रेडिनि समखौ बांहोनयनि थाखाय एन'सियेशन अफ नेशनेल एक्सेन्स मेम्बर्सआ अफ इन्डिया (एनएमआइ) निफ्राय गनायथि मोन्नो हादोंमोन। एनएमआइआ सिगांनिफ्रायनो ट्रेडिं समखौ बांहोनो सानानै दंमोन। फारसेथि ब्रकर्स इन्डरिस्ट्र स्टैन्डार्स फराम (आइएसएफ)आबो बे

बिथांखिनि थाखाय सेबिनो फर्मेल लेटर लिरहर गोन। नेशनेल स्टक एक्सेन्सआ गावनि बिथांखियाव दंमोनदि, ट्रेडिनि समखौ मोन्थाम खोलोबजों बांहोनो हागौ। बिथांखिनि बायदिब्ला एफएन्डआ इन्डेक्सनि समा मोनाबिलि 6 रिगानिफ्राय मोनानि 9 रिगासिम जानांगौ। फारसेथि फिउसार्स अफ अफ्फन्सनि समाबो मोनानि 11:30 रिगासिम बारय जानांगौ। गुबुन फारसेथि 3 थि पेजआव केस मार्केटनि समखौ 5 रिगासिम बांहोनांगौ होनना बुंदों।

## मेघालय आरो आसाम सिमनायाव थानाय बारनिहाटआ लान्थियै थामथि खेब हादतनि गेब्रेंसिन्नाय सहर थिसन जादों



गोदान दिल्ली, 7 मे : सेन्टार फर रिचार्स अन इनार्जि एन्ड क्लिन एयार (सिआरए) नि गोदान दानयारि आबहावा गुननि स्नेप सर्टआव मेघालय आरो आसाम सिमनायाव थानाय बारनिहाटआ लान्थियै थामथि दानआवबो हादतनि बयनिखुइबो गुबुंलेसिन सहरनि मिरु जानानै फेदों। बे नायबिजिरनायनि बायदिब्ला, बारनिहाटआव आबहावानि गुण एवा पिएमआ 2.5 दैखांजादों, जाय थानाय एप्रिल दानाव 138 माइक्रोग्राम/घन मिटर मोन। जाय मिरुयारि सामलाय बर्ड (सिपिसिबि) नि माहारियारि आबहावानि गुन

दिल्लीयाव आबहावानि गुणआ माहारियारि थि खालामनाय आबहावा गुणनि मानदान्दानिफ्रायबो बांसिन गेब्रेंसिन्नायमोन। नाथाय माहारियारि राजथावनि ओन्सोलनि गेब्रे'नाय सहरफोरनि गेजेराव गुरुग्रामआ बयनिखुइबो गेब्रेंसिन्नायमोन, जाय हादतनि बांसिन गेब्रे'नाय सहरफोरनि फारिलाइयाव नैथि गेब्रेंसिन्नाय सहर महैरै दैखांजादों। दिल्ली आरो गुरुग्रामजों लोगोसेनो फरिदाबादआ 7 थि, बल्लभगड्डआ 11, भिवारि 17, सरकी-दादरी 18, भिवानि 25 फोरा हादतनि मोन 25 गेब्रेंसिन्नाय सहरफोरनि फारिलाइयाव थाफादोंमोन। एप्रिल 2024 आव भारतनि टप-10 बांसिन गेब्रे'नाय सहरफोरनि गेजेराव थाफानाय फारिलाइयाव गुरुग्राम, मुजफ्फरपुर, पाटना, नन्देश्वरी, आसनल, सपरा, नयागड्ड आरो दुर्गापुरआबो दंफायोमोन।

## बजपुर जिल्लायाव साननि समावनो बाइक सालायनायाव गुलि गावदों

आरा, 7 मे : बजपुर जिल्लानि थरारि थानानि सिड्डाव थानाय बदसेरा-केल'रिया गामिनि गेजेराव समबारखालि सानजौफुनि 1 रिगासो समाव हाथियार लानानै फेनाय दुथांफोर बाइकजों थानाय सासे लाइमोनखौ गुलि गावयो आरो खारलाडो। बेयाव जोखोम जानाइ लाइमोनखौ 25 बोसोर बैसोनि अर्बिन्द कुमार होना मिबथिनो मोन्दों। बियो थरारि थानानि सिड्डाव थानाय बदसेरा गामिनि थागिबि बालेश्वर सिंहेनि फिसाज्जामोन आरो ट्रेक्टर सालायोमोन। लाइमोन सेंग्राया आगदा आइथिडव गुलि नांजादों। बिखौ आरानि सदर फाहामसालियाव थिसन्नानै फाहामथाइ होनाय जायो। खौरानि बायदिब्ला सान्ने सिगाडव जानाय रड रेस एवा बादायलायनायनि खिथेर लानानै लाइमोनखौ गुलि गावदों। बे केसनि खौरां मोन्नानै पुलिसआ दायनिगिरि लाइमोनफोरनि न'आव थानानै सिग्रोमहैयो।



नाथाय बे समाव दायनिगिरिया न'निफ्राय खारलांबायमोन। जोखोम जानाय लाइमोना अशक कुमार, सतु यादभनि हेंथायै एफआइआर थिसनदों। जोखोम जानाय अर्बिन्दआ फोरमायबावदोंदि, शनिबार मोनाबिलियाव गावसोर ट्रेक्टरखौ लानानै बाजारनिफ्राय गामि फारसे फेबाय थादोंमोन। बे समावनो गावसिनि न'खाथिनि सासे लाइमोना साखा खबब्रै गारि लानानै ट्रेक्टरनि सिगाडव लाखिफेदोंमोन। बे समाव लामा हगारलायनायखौ लानानै बिसोर सानैनि गेजेराव नांज्जायनाय जादोंमोन। बे नांज्जायनाया जोबनानै

थादोंब्लाबो समबारखालि सानजौफु समाव अर्बिन्द कुमारआ बाइकजों गामिनिफ्राय थरारि बाजाराव थानाय एसबिआइ बेंकआव थानानै रां बख'नानै गिदिबोफिन्दोंमोन। बे समावनो लामा ससेयाव बदसेरा-केल'रिया गामिनि गेजेराव हाथियार लानानै फेनाय दायनिगिरिया बाइक लानानै गावखौ उन उन सोहोबोदों आरो खारबाय थानाय बाइकआवनो गुलि गावदों। गुलि नांजानानै बियो बाइकजों हायाव गोग्लैयो। बेनि उनाव जायगानि सुबुंफोरा थरारि पिएससिनिफ्राय बिखौ आरानि सदर फाहामसालियाव लाना थाडे।

## म्यानमारनिफ्राय आरोबाव सा 50 सुबुंफोरा मिज 'रामआव हाबफेदों



आइजल, 7 मे : म्यानमारनिफ्राय बावैसो सिगांनि सानाव सा 10 आइजोफोरजों लोगोसे सा 50 सुबुंफोरा न'सु'से हादत म्यानमारनि चीन ओन्सोलनि पलेटवानिफ्राय मिज 'रामआव खारबोदों। बिसोरो मिज 'रामनि लांलाइ जिल्लानि ह्इतेजाबल गामियाव हाबफेदों। बिसोर सुबुंफोरा म्यानमारनि हाथियार आर्मीयाव जर्-जुलुमै थिसन्थाइ होनायनि जाहोनाव गावसोरनि हादतनिफ्राय खारबोदों। गोदानै खारबोनाय

रिफिउजिफोरखौ लाफानानै मिज 'रामनि दर 11 जिल्लाफोराव आस्रय लाफैनाय म्यानमारनि सुबुंफोरनि अन्जिमाया सा 34,332 जाफैयो। मिज 'राम सरकारनि बिबानगिरिया फोरमायदोंदि, म्यानमारनि रकाइ राइज्योनि अराकान आर्मीआव न'सु'से हादत म्यानमारनि बयनिखुइबो देरसिन हाथियार दैग्रा हारियारि आफाद। बिसोरो म्यानमार सांथिनि हेंथायै दावहाखौ गोखौंसिन खालामनो थाखाय चीन ओन्सोलनि

लाइमोनफोरखौ जर-जुलुमै गावसोरनि हान्जायाव थिसन्थाइ होगासिनो आरो बेनि हेंथायै लाइमोनफोरा खारबोनानै मिज 'रामआव फेदों। बिबानगिरिनि बायदिब्ला आथिखालाव सा 10,900 आइजोफोर आरो सा 13,310 उन्दैफोरजों लोगोसे म्यानमारनि सा 34,334 नोगोरारिफोरा मिज 'रामनि रेहाय केम्पफोराव आस्रय लानानै दड'आरो माखासे गावसोरनि थाथि-खुरमाफोरनि न'आव आरो भार न' लानानै थादों। बिबानगिरिया फोरमायबावोदि, मिज 'रामनि न'सु'से हादतआव जानाय जाथियारि हिंसानि उननिफ्रायबो 10 रोजासो सुबुंफोरा राइज्योआव आस्रय लाहैदों। फारसेथि बांलादेशनि सरतगाव हाजो ओन्सोलफोरनि सा 1,167 सुबुंफोराबो 2022 निफ्रायनो मिज 'रामआव आस्रय लानानै दड।

## बेरेखा दोलोफोरा जयै बादायनायावबो जेन्दों आरो आलादा जानानैबो जेनगोन: गाहाइ मन्थि मदि

गोदान दिल्ली, 7 मे : हादतआव बोथोरनि बिदुंआ बांबोनायजों लोगोसेनो बिसायख'थिनि दोहोआबो बांबोदों। दिनेन 7 मेखालि लक सभा बिसायख'थिनि 3 थि खोलोबआ जानानै थाडे, जेराव दर 11 राइज्योफोरनि मोन 93 मासिफोरव भट सोनाय जायो। बे समावनो गाहाइ मन्थि नरेन्द्र मदिआ मोनसे गोखों इन्टरभिड होदों। बे समाव बिथाड थानाय 10 बोसोराव मावनाय जौगाखां हाबाफारिफोरनि बागै फोरमायदों। लोगोसेनो बेरेखा दोलोफोरनि सायावबो गाहाइ मन्थिया गोखों रावजों थांखिदों। बिथाड बुंदोंदि, थारैनो इन्ड-एलाइन्स बायदि हादतआव जेबो गैया। सोनाब बंग'खौ नाय, बिसोरो गुबुन गुबुनै बादायदों। इउपियाव सानै बादायारिफोरनि सावथुना थानाय खेबआव फलप जादोंमोन। आथिखालायाव बसपानिफ्राय



आलादायै बिसायख'थि बादायदों। जेब्ला बिसोरो जयै बादायदोंमोन अब्लाबो जेनादों आरो आथिखालाव आलादायै बिसायख'थि बादायनायावबो जेनगोन। बिसायख'थिनि फिथाइया बेनो थागोन नाथाय बाथ्राखौ बुंनो सानोदि, मोनफोरमबो पार्टीहा गावनि राजखान्थि थायो, गावबा गावनि सान्दांथि दड। गासैबो कंग्रेसनि बुंनाय बायदियै सोलितांगोन बेबायदि नड एबा राजखान्थि दोलोफोरा बेजोंनो थांफानो गोनांथार नड।

राजखान्थि दोलोया गावनि हिसाबै थांखि लायो आरो लानो हानायनि मोन्थाइ दडहोन्ना गाहाइ मन्थिया बुंदों। सिगां फारसे इन्टरभिडआव गाहाइ मन्थि मदिआ बुंवावदोंदि, बिसायख'थिनि आयदाया गिबि साननिफ्रायनो जौगाखां भारतनि जानानै दड। सुबुंफोरनि गेजेराव थानानै गावसोर जौगाखां भारतनि थाखाय गावसोरनि थांखिखौ फोरमायथि हैदों, जाय खामानिखौ गावसोर मावदों बेखौ मिबथिहोदों, गावसोरहा 10 बोसोरनि ट्रेक रिकर्ड दड; फँगौ

25 बोसोरनि थाखाय रिजन एबा थांखि दड। लोगोसेनो फैनो गोनां 5 बोसोरनि रड मेप आरो गिबि 100 साननि फ्लेनो दड। फारसेथिं बेरेखा दोलोहा खामानि मावनायनि जेबो ट्रेक रिकर्ड गैया आरो जेबो बिजनबो गैया। बिसोरो गावस्त्रा होनायनि राजखान्थि आरो बोखावनायनि सान्दांथिखौ लानानै सिगांदों। बेरेखा दोलोफोरा जाय थांखिखौ लानानै आवगायदों आरो जाय बायदियै हाबाफारि मावनो ओंखारदों बेफोरनि बागै हादतनि नोगोरारिफोरनो मिबथिहोनाया गावसोरनि बिबान आरो बेफोरनि फारसे सांग्रां खालामानानै जौनि इयुन जिउआव बेयो माबायदि गिखंथाव जानो हागौ बेफोरखौ फोरमायनाया गोनांथार बिबान होन्नाबो बिथाड बुंदों। गाहाइ मन्थिया कंग्रेसनो मोन्थाम

सेलेन्सबो होदों। कंग्रेस आरो बिनि हेफाजाबगिरिफोरा धोरोरखौ बिथा खालामानानै रिजाभंशन खालामानायनि थाखाय संबिजिखौ सोलायनाय नड, एसटि, एससि, अबिसिनि रिजाभंशनखौ सेख'नानै धोरोरखौ बिथा खालामाना बिसोरखौ बोखावनाय नड होन्नाबो बेरेखा दोलोफोरा फिन्नायखौ होनांगोन। कंग्रेसआ लिरनानै होनांगोनदि, जेराव बिसोरनि सरकार दड बैयाव अबिसि खथाखौ बाडाइ खालामानानै धोरोरखौ बिथा खालामाना मुसलमानफोरनो रिजाभंशन होनाय जानाय नड। बिजेपिनि एजेन्दाया जेब्लायबो हादतनि थाखाय जौगाखांनाय आरो गावसोरनि मावनो लानाय बिथांखि लाइयाव गोबां रोखा रड मेप दड, जायखौ गावसोर गले गले बुंफिनबाय थायो आरो मावनानैबो दिन्थिदों।

## गिबि मन्थि केजरिवालनि केसआव 100 कौटिया माबोरै 1,100 कौटि जाखो होन्ना बिजिरगिरिया सोंदों

गोदान दिल्ली, 7 मे : दिल्लीनि गिबि मन्थि के जरिवालआ गावखौ हमनायनि हेंथायै सुप्रिम कर्टआव थिसन्नाय आर'जलाइनि सायाव दिनें थामथि सान हियारि होनाय जादों। सिगांनि खेबनै हियारिआव बिजिरसालिया केजरिवालनि उकिलनि बाथा बानबुंथिफोरखौ खोनासंदों आरो दिनेनि बिजिरनायाव इडिनि उकिलआ होनाय बाथा बानबुंथिखौ खोनासंदों। मख'ज'थावदि, बिजिरसालिया सिगांनि हियारिआव बेयो बिसायख'थिनि सम आरो गावसोरकेजरिवालनि अन्तरिम जामिनखौ लानानै सावरायनो हागौ होन्ना बुंदोंमोन। बे समाव इडिया जायखि जाया थांखि लानायनि सिगां गावसोरनि बाथा बानबुंथिफोरखौ खोनासंदोंगोन होन्ना



बुंदोंमोन। बेनि गेजेरजों दिनें बिजिरसालिया इडिनि फारसेनिफ्राय गथायनाय बाथा बानबुंथिफोरखौ खोनासडो। दिनेनि हियारि जागायनायाव एएसजि एसथि रजुआ गावनि फारसेनिफ्राय बाथा बानबुंथिखौ होयो, जेराव बिथाड बुंदोंदि, 100 कौटि रंनि बाथाखौ लानानै ट्रांजेक्सन खालामानानै बाथा बानबुंथिखौ जागायगोन। मनिष सिसडियानि बेल्टखौ रेजेक्ट खालामानायनि उनाव मोनसे अजदलाइ फेदोंमोन आरो 1,100 कौटि रं एटस खालामदों। बेनि सायाव बिजिरगिरि खानाया बुडोदि, 2 बोसोराव बियो 1,100 कौटि जाहैबाय नामा? क्राइमआ 100 कौटिनि होन्नानै नोंथाडा बुंदोंमोनब्ला बेयो माबोरै एसेबां जाहैखो होन्नाबो सोंथि खालामदों। बेनि सायाव रजुआ बुंदोंदि, नितिनिफ्राय जाय मुलाम्फा जादों बेयो 1,100 कौटि। अब्ला बिजिरगिरि खानाया बुडोदि, नोंथाडा गासै मुलाम्फाखौ क्राइमनि थाखोयाव लाबोजोबनो हाया। अब्ला रजुआ बुडोदि, बे समाव बे नायबिजिरनाया बिबानगिरिनि आखायाव दडआरो बिथाड बबे बानबुंथिया सैथो आरो बबेया नड बेखौ थांखि लानांगोन।

## पुटिनआ 5 थि खेबनि थाखाय रासियानि हादघगिरि जाबाय

मस्क', 7 मे: व्लादिमिर पुटिनआ 5 थि खेबनि थाखाय रासियानि हादतगिरि जाबाय। पुटिनआ मस्क'नि ग्रैन्ड क्रेमलिन पेलेसाव 33 सोदोबजों समायखिरा लायो। बे जायगायाव रासियानि जार नख'रनि सा 3 राजाफोर (आलेक्जेन्डर 2, आलेक्जेन्डर 3 आरो निक'लस 2) खौ मुकुट गानहोनाय जादोंमोन। समायखिरा लाखानायनि उनाव, पुटिनआ बुंदोंदि "जों गोखोंसिन जागोन।" जों बै हादतफोरजों जौनि सोमोन्दोखौ गोखों खालामगोन जाय जौंखौ सुथुर सानो। आं सुबुंफोरनि फोथायथिखौ लाखिनो थाखाय नाजागोन। रासियाआव 15-17 मार्चआव जानाय बिसायख'थियाव, पुटिनआ 88 जौखोन्दो भट मोननो हादोंमोन। बिथानि बेरेखा निक'लाय खारिट'नभआ 4 जौखोन्दो'ल भट मोननो हादोंमोन। रासियायाव पुटिननि समायखिरा लानाय फोर्बोखौ आमेरिका, ब्रिटेन आरो गोबां इउर'पनि हादतफोरा नेवसिगारदोंमोन। बबेखानि, बे हाबाफारियाव भारतनि राजथान्दै बिनय कुमारआ दंमोन। पुटिनआ गिबि खेब 2000 मायथाइयाव हादोरगिरि महरै समायखिरा लादोंमोन। बै समनिफ्रायनो बिथाड 2004, 2012 आरो 2018 माइथायावबो हादोरगिरि



जादोंमोन। समायखिरा लाखानायनि उनाव गावनि बिबुंथियाव पुटिनआ बुंदोंमोनदि "जों सोनाबारि हादोरफोरजों सावरायनो थाखाय थियारि। बेयो बिसोरनि सायाव सोनारो दि बिसोर जौंजों रायज्नायनो लुबैयो ना लुबैया। सोनाबारि हादोरफोरा रासियायाव जौगानायखौ होबथानो नाजाबाय थादों। बिसोरो गोबां बोसोरनिफ्राय जौनि बेरेखायै गाग्लोबगसिनो दं। जों मोनसे माल्टिप'लर मुलुग खान्थिनि थाखाय इउर'प आरो एसियायाव जौनि बाहागोआरिफोरजों खामानि मावबाय थागोन। जों लुबैयो दि गासैबो हादतफोरहा रोखोमसे रैखाथि

खान्थि थायो। उदांस्त्रि आरो खौसेथिखौ लाखिनो थाखाय रासियानि समाजारि-राजखान्थियारि खान्थिया सोलाय-सोल'जानांगोन। जों जेब्लाबो जायखिजाया फेरफाथिनाय एबा सिगिनारनि थाखाय थियारि थानांगोन।" रासियानि फे डारेल काउनसिलनि सोद्रोमाफोर (सिनेट एमपि), स्टेट डुमानि सोद्रोमाफोर (गाहाय सदननि एमपि), गौजौ बिजिरसालिनि बिजिरगिरिफोर, गुबुन गुबुन हादतफोरनि राजथान्दैफोर आरो राजथान्दैयारि कर्पसआ समायखिरा लानाय फोर्बोआव बाहागो लादोंमोन। मख'नो गोनांदि, 2018 मायथाइयाव पुटिननि ब्रैथि समायखिरा लानाय फोर्बोआव बारग'

जार्मान चेन्सेलर गेरहार्ड श्रोडरजों लोगोसे सा 6,000 सो सुबुंफोरा बाहागो लादोंमोन। बेखौ लाइभ टेलिकास्टबो खालामनाय जादोंमोन। फोर्बोनि उनाव, रासियानि अर्थडक्स गिर्जानि गाहाय पेट्रियार्कआ केथेड्रल गिर्जायाव हादतगिरिजों थांफादोंमोन। बे हुदाया 1498 माइथायनिफ्राय सोलिबाय थादों, जेब्ला मस्क'नि प्रिन्स दिमित्री इभान'विचआ हाबा जादोंमोन। फोर्बोनि जागायजेन्नायाव, रासियानि हायुंगिरि बेन्डआ बै रोखोमसे सुरखौ दामो, जायखौ 1883 माइथायाव आलेक्जेन्डर थामथिनि राजा फाथिनाय समाव दामनाय जादोंमोन।

वाशिंगटन, 7 मे : भारतीय फोलेरनि आमेरिकन अखांमा दावबायारि सुनिता उडिलियाम्सनि अखांमा दावबायानाया जोबथा समाव फेलें जायो। माखासे टेक्निकेल जेंना जानायनि जाहोनाय बिथानि दावबायानायखौ दोन्थ'नो गोनां जायो। बिनि उनाव लन्चनि गोदान अक्टूबो फोसावनाय जायाखै। मख'जाथावदि, सुनिताया थामथि खेब अखांमा दावबायानायनि रेकर्ड सोरजिनो गोनांमोन। बिथाड बथिंनि गोदान स्टारलाइनार स्पेस केप्सुलजों अखांमाया थांनो गोनांमोन। सुनिताजों लोगोसे गुबुन सासेबाव अखांमा दावबायारि बुस वील्मरआ थांनो गोनांमोन। भारतयारि समबायदियै दिनें फुनि 8:04 रिंगायाव सुनिताया बथिं स्टारलाइनजों फ्लरिडानि केप केनाबेरलआव केनेडि स्पेस सेन्टरनिफ्राय अखांमायाव रवना होलांनो गोनांमोन। बे मिशननि जाफुंसारनाया एलन मास्कनि थाखाय जोबोद गोनांथार। बथिंआ स्टारलाइनखौ एलन मास्कनि स्पेस एक्सनि ड्रेग न केप्सुलजों बादायनो थाखाय डिजाइन खालामदोंमोन, जाय मे 2020 आव गावनि सालायग्रा



हान्जाया बिरनायनि आन्जाद लादोंमोन। बे समनिफ्रायनो स्पेस एक्सआ नासानि बांसिन कु केप्सुलनि गोनांथिफोरखौ सामलायदों। रकेट कम्पानि इनाइटेड लन्च एलाइन्सनि थामथि एम हेटरआ लन्चनि 2 घन्टा सिगाडवसो लन्च खालामनायखौ दोन्थ'नायनि थांखि फोसावो। नासाया

सशेल मिडिया प्लेटफर्म एक्सआव बेखौ फोसावना होयो आरो लन्चिंखौ दोन्थ'नायनि गाहाइ जाहोनखौ मिबथिहोयो। नासाया फोरमायदोंदि, इउएलएनि एटलस 5 रकेटनि मोनसे अक्सिजेन बाल्बआव जेंना नुजाथिदोंमोन, जायनि जाहोनाव अखांमा एजेन्सि, बथिं

आरो इउएलएआ बेनि लन्चिंखौ दोन्थ'नायनि थांखि लायो। मख'जाथावदि, सुनिताखौ 1998 नि जुनआव नासाया सासे अखांमा दावबायारि महरै सायख'दोंमोन। उडिलियाम्सआ मोनै मिशनफोरव थांफानानै अखांमायाव गासै 322 सान थाहैखांबाय। फारसेथिं 61 बोसोरनि वील्मरआ अखांमायाव 178 सान थाहैखांबाय।

## इज्राइलआ खोला गाजानि राफायाव गोखोडै गाग्लोबदों

तेल अभिव, 7 मे : समबार मोनायाव खोला गाजानि राफा ओन्सोलाव गोबां बमा बेरफुदों। माखासे जायगानि सशेल मिडिया एकाउन्टआव बमा बेरफुनायखौ राफानि सान्जा बाहागोआव खोनानो मोन्दों होन्ना दाबि दैखादों। बेयो बै ओन्सोल जेरावनिफ्राय इज्राइल सान्थिया नोगोरारिफोरखौ गुबुन जायगायाव बोस्लायलानो नाजागसिनो दंमोन। सुलुंनि बायदिब्ला, बमा बेरफुनाय रिपर्टफोरखौ लाना गोखों नोजोर लाखिनाय जादों आरो आथिखालनि थासारिखौ लाना जिंगा सिदों। आमेरिकानि बाइडेन खुंथाया इज्राइलनि राफायाव हाबहैनाय एबा गाग्लोबहैनाय थांखिखौ हेंथा होदों। मख'जाथावदि, इज्राइल सान्थिया सान्जा राफाखौ नागारना थांनो थाखाय बैयाव थानाय सुबुंफोरनो नटिस फोसावदोंमोन। सुबुंथि एजेन्सिफोरा राफायाव गाग्लोबनायखौ लाना सांग्रांथि फोसावदों। बिसोरो सहर आरो बेनि खाथि-खालायाव 12



लाख बिथा खोमानानाय फिलिस्तानीफोरनि दाहा आरो बिसोरनि खैफोदआ बांगोन होन्ना सांग्रांथि होदों। वर्ल्डफुट प्रग्रामनि बायदियै सा गाजाया रिपर्टफोरखौ लाना गोखों नोजोर लाखिनाय जादों आरो आथिखालनि थासारिखौ लाना जिंगा सिदों। आमेरिकानि बाइडेन खुंथाया इज्राइलनि राफायाव हाबहैनाय एबा गाग्लोबहैनाय थांखिखौ हेंथा होदों। मख'जाथावदि, इज्राइल सान्थिया सान्जा राफाखौ नागारना थांनो थाखाय बैयाव थानाय सुबुंफोरनो नटिस फोसावदोंमोन। सुबुंथि एजेन्सिफोरा राफायाव गाग्लोबनायखौ लाना सांग्रांथि फोसावदों। बिसोरो सहर आरो बेनि खाथि-खालायाव 12

खालामनो गोनां जायखिजाया अपारेशनखौ गावसोर मदत होनाय नड। राफायाव इज्राइलनि हा सा सान्थि हान्जाजों गाग्लोबनायखौ लाना आमेरिकानि नोजोरखौ रोखा खालामनानै मिलारआ बुंबावोदि, बेजों फिलिस्तानीफोरनि उनदाहाया बांनयनि अनगायै मदत रान्ना हैनायावबो हेंथा जागोन। मख'जाथावदि, इज्राइलनि सायाव हारिमायारि फोलेरनि गोखों नारसिन्थाइ होनायखौ मुनो मोन्दों। जाहाथे बियो राफायाव हा सा अपारेशनखौ जागाया आरो दाय मिटआव बुंदोंदि, बिथाड राफायाव जायखिजाया अपारेशनखौ जाय बायदियै आसा खालामदों बिब्दि मदत होनो हाया। राफायाव

## दिल्ली-एनसिआरनि फरायसालिफोराव हुमखि हरनाय इ-मेलखौ लाना गोखों थांखि लादों

गोदान दिल्ली, 7 मे : मिरुनि नख'र नेहाथारि अजय भल्लाया थानाय सप्ताहयाव माहारियारि राजथावनि दिल्लीनि माखासे फरायसालिफोराव हुमखि हरनाय इ-मेल दैथाइहरनायखौ नोजोर होना समबाराव थासारिखौ नायबिजिरहैदों आरो फरायसालिफोराव रैखाथि, सिसिटिभि, केमेरा आरो इ-मेलनि नेम-खान्थिफोरखौ नोजोर होनायनि थाखाय हाबाफारि बांहोनांगौनि सायाव गोनांथि होयो। भल्लाया दिल्ली पुलिस आरो फरायसालिफोरखौ मोनसे गोहोम गोनां हाबाफारिनि थाखाय साखाथियाव नोजोर होनांगौनि बाथाबो बुंदों, जाहाथे नंखाय खौरों फे नायजों गिनाय थासारि सोमजिया। नख'र मावख'थिनि



सासे बुंथिगिरिया बुंदोंदि, मिरुनि नख'र नेहाथारिया थानाय सप्ताहयाव दिल्लीनि माखासे फरायसालिफोराव इ-मेलनि गेजेरजों हुमखि हरनाय केसखौ नायसहैदों। इयुनाव बेफोर बायदि जायखिजाया

थासारिजों जुजिनयनि थाखाय गुवार प्रकटल आरो एसअपि थियारि खालामनांगौनि गोनांथि दड होन्नाबो बिथाड बुंदों। बे जथुमायाव गाहाइ नेहाथारि आरो पुलिस कमिसनारबो बाहागो लादों। मख'जाथावदि, सानैसो

सिगां दिल्ली-एनसिआरनि गं 200 नि बांसिन फरायसालिफोराव रोखोमसे हुमखि हरनाय इमेल सफैदोंमोन, जेराव फरायसालि सिडव बमा दोन्नायनि बाथा बुंदोंमोन। इ-मेलखौ

मोन्नायनि उनाव फरायसालिनिफ्राय फरायसालिफोरखौ दिथागिरिफोरनो गथाइहरफिन्नाय आरो सिग्रोमनाय हाबाफारि लानाय जादोंमोन। अधेबानि सिग्रोमनायाव गंसबो फरायसालियावनो जेंना गोनां मुवा एबा बमाखौ मोन्नाय जायाखैमोन। उनाव पुलिसआ बे हुमखि होनाय इ-मेलखौ नंखाय होन्ना फोसावो। समबारखालिबो गुजरातनि आहमेदाबादआव गं 12 नि बांसिन फरायसालिफोराव बमा दोन्नायनि इ-मेल हरदोंमोन। बेखौबो पुलिसआ नायबिजिरनायनि उनाव नंखाय होन्ना फोसावदों।

## मोजां मोन्नाया सुबुंनि सुथुर

नुजाफेदोंमोन आं बुहुम बिखायाव मोजोमसे जिउखौ लानानै बैथा गैथै जिउनि डिङयाव जाबलांनो। नाथाय आंनि गोसोया सोरबा अनजालिखौ मोजां मोन्दोंमोन, हास्थायदोंमोनबो आं बे अनजालिखौ आंगोनि खालामनो, नाथाय...! बिन फोथायखेबस' गोसोआ जावलिया खालामबाय आंनि मोसोरखौ दिनै। मा सान्नानै मोजां मोनमोन आं बे अनजालिखौ, बिन गोसोया मानो एसेबां थगायसुलि? बिखौनो लादोंमोन आं जिउयै माहामे गोरबोनि दाव मैना, नाथाय....। दिनै बियो आंनि गोरबो बिखा सिंनि पानजारिनिफ्राय बिरलांबाय फैलाव अखांआव। सानदोंमोन आं, मोजां मोनलायनाया सुबुंनि जिउयाव सुथुर नामा? ना, मोजां मोनलायनाया सुबुंनि जिउखौ आस 'कान्दा खालामो? नाथाय....। आंनि मोजां मोन्नाया बेबायदि जागोन होन्ना सानाखेमोन। मादि मोसो- आयजो माहारिनि दानो दं, दानो गैया, उरां फारां। दासो मिथिना मोनबाय आं बे जोनोमाव मोजां मोनलायनाया सुबुंनि जिउखौ आस 'खान्दा खालामो।

**मुस्रि जोंमा ब्रह्म**  
इउ.एन. एकाडेमि  
गामि- मिडिल घ'कटाटा  
ला:सो:- बनरगाव, थारखो- 9  
जिल्ला- कक्राझार, बिटिस ( आसाम )

## दैसा

जोनोम मोन्दोंनो दैसा, हिमालय हाजोमानिफ्राइ। बेसेदि जिरि जिरी बोहैदों नों जेनिबो दुखुनि हँथा गैया जासे। बोहैदोंनों साहानिफ्राइ खोलाहा फारसेथिं जाय। रेस गैथि सानफ्रामबो बोहैयोनों दैसा। रावनिबो हँथा होनायाव दसे समनि थाखायब्लाबो थाद बोयाखैनो दैसा। रावखौबो नेनानै फैयाखै नों हारिसिनो जिरी जिरी बोहैबोदोंनों। साहानिफ्राइ खोला फारसे आय' बेसेदि समायना जिरी-जिरी बोहैदोंनों दैसा।

**मुस्रि अरायथा बसुमतारी**  
फरायसालि इउ.एन. एकाडेमि ( कक्राझार )  
थारखो- डाइन ( 8 ), ला:सो:- बिसमुरि।  
जिल्ला- कक्राझार, बिटिस ( आसाम )।

## थरथिंसे मोदै

बावलांबाय नामा नों आंखौ अनजालि बै समनि समायखिराखौ बावगारलांनो। नोंखौ अननायाव लुदोंमोन अनजालि, आंनि गोसोआव सनाजों दाजानाय डिमापुर आरो माइबां नोगोर। नाथाय बार मोदायनि महर लाना बुफायलांबाय नों डिमापुर आरो माइबां नोगोरखौ। दान्दिसेनि थाखायल' अननायखौ आंनो होना नागारलांबाय नों आंखौ अनलायनायनि जिनजिखौ बस'ना सोरजि लांबाय नों आंनि मेगनाव अनजालि थरथिंसे मोदै।

**मुस्रि बिरलुम बसुमतारी**  
इउ एन एकाडेमि  
थारखो- 10

## मानोथो मोजां मोनामोन अनजालि, मानोथो?

मोजां मोन्नायखौ नोंनोथ' बेखेवगोरदोंमोन अनजालि, लाइजामनि गेजेरजों फोरमायहरदोंमोन जेब्ला, नों गावनि मोजां मोन्नायखौ। अब्ला आं जेबो हँथा होयाखेमोन नोंनि आंखौ मोजां मोन्नायव। नाजावदोंमोन आं लाइजामखौ थार गोसोजों। नाथाय अनजालि दिनै नोंनिनो, मोजां मोन्नाया.....। आंथ' अनजालि नोंखौ थार गोसो जों आरो गोर्बोंजों मोजां मोन्दोंमोन नाथाय नों दिनै मानो नागारलांखो? मा आंनि मोजां मोन्नायव माबाफोर गोरोंन्थि दडमोन नामा अनजालि? बुं अनजालि, बुं? आं गाजि मोना। मा। अनजालि, नोंनि गोसोया एफ थगायसुलि नामा? मोजां मोन्नायखौ फेलें खालामगोन होन्ना आं सानाखेमोन जेब्लाबो अनजालि। आं नोंखौ मोजां मोनफ्लादों सानाखेमोन, नाथाय दिनै मा। अनजालि मा। खालामखो नों। मा। जाखो दिनै, बेनोमोन माना नोंनि मोजां मोन्नाया? नों आंखौ दानो बावगार लांबाय नामा। मा। अनजालि बावगारनोब्ला मानोथो मोजां मोनामोन? बुं अनजालि बे नोंनि मोजां मोन्नाया ओरेंनो ना इयुन जिउनि थाखाय, नों आंखौ बेबायदि हांमा दोनलांनोसो मोजां मोन्दोंमोन। आरो गोसो थोदोंमोन नामा? गोरिब गोसोजों होयाखेमोन अनजालि, नोंनो आंनि अननायखौ। गुबुंले नडमोन अनजालि, आंनि नोंखो मोजांमोन्नाया। नाथाय नों अनजालिया मुगैदों जानांगौ। आंनि मोजां मोन्नाय आरो गोसो थोनायखौ। मा। अनजालि नोंनोथ' बुंदोंमोन- नोंनो गिबि आरो जोबथा, जिउनि अनजालु लोगो होन्ना। मा। अनजालि बोरो दानिया? बबेयाव बावगारलांखो, बबेयाव? नोंनोथ' समाय लादोंमोन अनजालि बैसमाव। नाथाय बबेयाव बावगारखो आरो मा गोसोजों बावगारलांखो? बै समनि समाय खिराखौ अनजालि। नों आंखौ थार गोसोजों मोजां मोनखायाखै जानांगौ। नाथाय आं मोजां मोन्दोंमोन नोंखौ, थार गोसोजों अनजालि। गालांबाय नों अनजालि गोसो गोरबोयाव रादाय आरो थैनि जारिमिन, बिदिन्थिनि बोदोर फाखनाव, सिरियै गालांबायनों बायखोन्दो नेरसोन। बेनि जाहोना मा? बुं अनजालि, बोहैया आंनि मेगनजों मोदै, गिबियाव हास्थायदोंमोन जानांगौ नों अनजालिया आंखौ। नाथाय, नैथियाव सोरखौ हास्थायदोंमोन नों। नाथाय हास्थाइयो आं जेब्लाबो नोंखौनो। नों अनजालिया माबोरै आगान सुरलांखो, गोरोंन्थिनि लामाजों? थैवबो बावगारआ आं नोंखौ। दिनै खालामबाय नों अनजालिया बेसेन गोयै, आंनि जिउखौ आरो बे जोनोमखौ। बेफोर नोंनिनो गोरोंन्थिमोन अनजालि, नोंनिनो नाथाय नों.....। आं बुजिस' हायासै अनजालि नों सोरनिबा थिन्नायाव मोजां मोन्दोंमोन ना हासिंङे मोजां मोन्दोंमोन दिनै नों सोरनिबा थिन्नायाव फाव फान्दायनायाव बावगारखोना हासिंङे सिरियै बावगारलांखो? नोंनो बेखेवगोबाय अनजालि बावगारनायखौबो, दिनै सिरि हासिंङे। नाथाय हास्थायो गोसोया अराय, जिउनि अनजालि महरै नोंखौनो। बुजिबाय अनजालि आं, मोजां मोन्नाय आरो गोसो थोनायखौ। मिथिबाय आं दिनै मोजां मोन्नायनि बान्थाखौ। नाथाय बे जोनोमाव आंनि नोंखौ हास्थायनाया सिमांल' जाबाय। गोसो गैयायामोन अनजालि नोंखौ,

## रंजालि गथ'फोरनि सौरा

### खन्थाइ सोरजिबाय

गोबां खन्थाइगिरिया  
खौऔ दाउनि गाबनायखौ  
देंखोनि रानि होनना  
खन्थाइ सोरजिबाय

रैदोम बर', बाक्सा

## “गोर्बोनि मोदै”

सोर मिथिनो, सोर नुनो,  
सोरनि गोर्बोंआव जिरन गोयै मोदै बोहैदों  
रावबो मिथिया, सोरनि गोर्बोंआव  
बेसेबां दावदाव दं.....  
सायाव नायोब्ला नुगोन, मिनिबाला-बाला  
नाथाइ गोर्बोंआव दं,  
दोफों-दोफों खामगिनाय गोर्बों।  
मानोना बे मुगाया सिनाइला,  
प्रफारटि गोयै संसारनि सुबुंखौ,  
रावबो उननिफन्ना नाइला,  
गावनिनो असे फंबाइ लोगोआव लांफानो  
मुगायानो जाबाय अन्थाइ बिखा-  
खालामजासै बे संसारनि प्रफारटि गोनां  
सुबुंफोरजों एरा-एरा।  
सहाइनांसै निखाउरिया जैरैथिंबो  
मै सिडव हुफले सोमजानाइ एम्बुफोरबादि-  
गोसोनि हास्थाइनाइ फिरफिलाखौ संसारनि  
उदां अख्रांआव उराइहोनों सान्नायाबो  
गोर्बों आवल' उराइना थानांबाइ  
बोहैबायल' जिउआव गोर्बोंनि मोदैया  
रान्ना रोडै दै निजरा बाइदि।

श्री नरपति ब्रह्म  
गामि- महनपुर  
ला:सो:- बिसमुरि  
जिल्ला- कक्राझार

### बर' फिसाफोरनिसिम

नै बर' बिमानि आंगो फिसाफोर,  
जाखो मानो नोंसोर गावजों गाव सुथुर।  
गावजों गाव दान्थाय सुथार रावबो गैया खौसे  
हनै नायहर बर' थिया सुबुंफोर-  
गावजों गाव एना एनिखौ नुनानै  
बर' हारि गोदोलांनो नागिरनायखौ नुनानै  
दुखुथिया बर' बिमाया बैसोमुथि बिखायाव  
जग्रबनानै  
मेगनाव मोदै खुगायाव खुदै लानानै हनै  
खानाय आइलि-जाइलि गाबै गाबै बुंदों-  
'आय' आंगोनि फिसाफोर दाजासै नोंसोर  
गावजों गाव एना एनि सुथुर-  
खौसे जादो फिसाफोर खौसे जादो।  
खौसेनि दौलेंजों खाजबजादो फिसाफोर।'  
बर' बिमानि खावलायनायखौ नाजावदो  
बर'फोर,  
बयबो जों बिमा सासेनिनो फिसा  
बयबो जों बिदा-फंबाय, बिब'-बिनानाव  
जों बयबो गावजों गाव खौसे जायाब्ला-  
एना एनि गावजों गाव सुथुर जायोब्ला-  
गोमालांगोन सानसे आगोमा बर' हारिया।  
अब्ला बर' बिमानि मेगनि मोदैआ रान्ना  
रेंनाय नड।  
नै बर' बिमानि आंगो फिसाफोर,  
फै जों बयबो खौसे जादिनि।  
फै जों बयबो हारि सिबिलांनि।

थरायना बिदांश्री बसुमतारी  
गामि-सिमलागुरी ( दतमा )  
जिल्ला- कक्राझार  
इउ.एन. एकाडेमि, कक्राझार

मोजां मोन्नो आरो गोसो थोनो  
नाथाय.....।  
दिनै आंनि जिउनि मिजिआ आसखान्दा जाबाय  
थैवबो बै जोनोमाव नोंखौनो,  
जिउनि लोगो महरै  
आंनि मोजां मोन्नायखौ होनो  
नेबाय थसिगोन आं अनजालि।

मुस्रि बुभान ब्रह्म  
थारखो-9  
ला:सो: दतमा  
जिल्ला :- कक्राझार।

### थार लोगो

जिउयाव गोबां लोगो लोगो मोनो  
लोगोया हिनजाव हौवानि फाराग गैया  
बेफोरनि माब्लाबा समब्रा समब्रि जायो  
माब्लाबा देरसिन दुयसिनबो जायो।  
नाथाय,  
नों लोगो मोननाय गासैबो लोगोयानो  
नोंनि थार लोगो नंजोबा,  
नोंजों रायज्जलायग्रा गासैबो लोगोयानो  
नोंनि थार लोगो जाजोबा।  
थार लोगोया बेसो जाय  
नोंनि मोजांखौ हास्थायनानै  
नोंखौ हानायसेबां थुलुंगा होयो,  
थार लोगोया बेसो जाय  
नोंनि दुखुनि ओंथिखौ बुजिनानै  
नोंजों दुखु जाफानो हायो।  
थार लोगोया बेसो जाय  
नोंनि मिनिनायनि ओंथिखौ मोनदानानै  
नोंजों थार गोसोजों मिनिफानो हायो,  
थार लोगोया बेसो जाय  
नोंनि गोरोंन्थिखौबो निमाहा होनानै  
नोंजों गोरोंन्थिफोनो हायो।  
थार लोगोया बेसो जाय  
नोंनि थैर बेथेर मिजिंखौ हमदानानै  
बबेबा राहाजों नोंखौ गोजोनहोनो नाजायो,  
थार लोगोया बेसो जाय  
नोंनि राव, हारि, दोहोराम बासियाजासे  
नोंखौ जेब्लायबो हेफाजाब होयो।  
थार लोगोया बेसो जाय  
नोंनि हमदांस'हायै खैफोदिनिफ्रायबो  
नोंखौ जेब्लायबो बासायनो नाजायो,  
थार लोगोया बेसो जाय  
'सैथोनि समायनायानो मोजांसिन' सानसिजों  
नोंखौ गोरबोजों अनसायो।

-ज्योतिष मुछ्हाहारि  
जनता फरायसालिमा, सेरफांगुरि  
कक्राझार

### जोबथा बुब्लिनि फिथाइ

जिउ फर्दाखौ  
जेब्ला बोलादों,  
अब्ला नुबाय-  
जिउआनो लाथिख'सो।  
दासो हमदां हाबाय,  
थानाय बोथोराव  
जा मावदों  
गोरोंन्थिल' मावदों।  
मिथिआ मादि जागोन,-  
बेलासि बुब्लिआव,  
जिउनि फिथायआ।

मुस्रि देतसु बरगयारी  
गामि- आमगुरि  
जिल्ला- क क इझार,  
बिटिस।

### सोरमोन नों बर' सिखोला?

सोरमोन नों बर' सिखोला?  
सिनायनो हायाखेमोन आं नोंखौ,  
आं थैवब्लाबो नोंखौ मोजां मोन्दोंमोन।  
होनो सान्दोंमोन आं नोंनो  
आंनि गोरबोनि अननायखौ.....  
नाथाय सोरमोन नों बर' सिखोला?  
आंनि सेराव हरनि सिमाड  
नुजाथि फैनो।  
माब्लाबा आं नोंखौ नुखानाय  
बायदि मोन्दोंमोन,  
नाथाय सोरमोन नों बर' सिखोला?  
सिमाडव नुदोंमोनब्लाबो आं  
नाइबाबो सिनायनो मोनाखेमोन नोंखौ  
थैवब्लाबो नोंखौ आं मोजां मोन्दोंमोनप  
आरो आंनि अननायखौ नों  
अनजालिनो होजोबनो सान्दोंमोन।  
नाथाय मोगथांआव नों अनजालिखौ  
सिनायनो मोनाखेमोन आं  
सोरमोन नों बर' सिखोला?

मुस्रि अरायथा बसुमतारी  
फरायसाली-इउ.एन. एकाडेमि ( कक्राझार )  
थारखो - 8, ला:सो:- बिसमुरि  
जिल्ला :- कक्राझार, ( बि टि सि ) आसाम।

## गिबि मन्थि उ॰ हिमन्त बिश्व शर्माआ बिसि-फिसाजोजों लोगोसे भट थुबाय

मन्दिरआव बिसि आरो फिसाजोजों लोगोसे दावबायफैनानै अबं गसाइनिसिम सिबिथाइ लाना बिसायख ʼथियाव दोलौनि जाफुंसारनाय एबा देरहानायखौ अर'ज खालामदों । मख 'नो गोनांदि, दिनै आसामआव ३थि आरो जोबथा खोलोबनि बिसायख ʼथिया खुंजाबाय । रइज्योनि जोबथा खोलोबनि बिसायख ʼथियाव दरब्रै बियाबफोराव भट थुनाय हाबाफारिया खुंजादों । बेसोर बियाबफोरा जाबाय गुवाहाटी, बरपेटा, कक्राइार आरो धुबुरि लकसभा बियाब । ३थि खोलोबनि भट थुनायआ थुंगेनाय लोगो-लोगो आसामआव हाबाफारि बायदियै बिसायख ʼथिनि थासारिफोरा थुंगेयो । ३थि खोलोबाव गं ९,516 भट मिरुफोराव भट थुनाय हाबाफारिया खुंजानायजों लोगोसे गासै सा 81,4९,0९1 भटरफोरा दङ। मख 'नो गोनांदि, कक्राइार लकसभा बियाबआव गासै सा 12 बिजाथिफोरा बिसायख ʼथियाव बादायलायदों । धुबुरि बियाबआव सा 13, बरपेटा बियाबआव सा 14 आरो गुवाहाटी बियाबआव सा 8 बिजाथिफोरा बिसायख ʼथियाव बादायलायदों ।

### बिपिएफनि बिजाथिया मोननैबो बियाबाव देरहागोनः हाग्रामा महिलारी

इण्डिया जुथाय दोलोजों थायै आरो बेनि सोमोन्दै जेबो रोखोमनि सावरायनाय जायाखै । बिजेपिआ बेसेबां मासि देरहागोन होन्नानै खौरंगिरिनि सोंथिनि फिन्नायाव हाग्रामा महिलारीआ बुडोदि कंग्रेस आरो बिजेपिआ बेसेबां मासि मोनगोन बेखौ बिसोरनि दैदेनगिरिफोरसो बुंनो हागोन । मिरुआव सरकारखौ सोर दाफुंगोन बेनि सोमोन्दैबो जेबो बुंनो हाया होन्नानै बिथाङा बुङो । बे समावनो भारतआरि माहारियारि कंग्रेसनि बिजाथि गर्जन मुसाहारीआ कक्राइारनि 5११ नं कात्रिगासा गुदि फरायसालि भट मिरुआव भट होयो । भट होनायनि उनाव गर्जन मुसाहारीआ दाबि खालामोदि बिथानि देरहानाया रोखा आरो बयखौबो गाव-गावनि भट होनायनि मोन्थायखौ बाहायनो खावलायो । बेराफारसेथिं, मन्थि उर्खाव गोरा ब्रम्हआ गावनि जोनोम गामि कक्राइारनि बाताबारिनि गुदि फरायसालि भट मिरुआव भट होयो । भट होखांनायनि उनाव मन्थि उर्खाव गोरा ब्रम्हआ बुडोदि दानि बिजाथि जयन्त बसुमतारिआ कक्राइार लक सभा मासिखौ गोबां भटजों देरहागोन । गुबुन फार्सेथिं, इडपिपिएलनि एमएलए लरेन्स इसलारीआ गौरां गोजौ फरायसालिआव गावनि बेसेन गोसा भटखौ होयो । भट होनायनि उनाव लरेन्स इसलारीआ दाबि खालामोदि गाहाइ मन्थि नरेन्द्र मदिखौ थामथि खेबनि थाखाय गाहाइ मन्थ्रनि मासियाव लाबोनायनि थाखाय बयबो एनडिएनो भट होगोन । जुथाय हान्जानि बिजाथि जयन्त बसुमतारिआ गोबां भटजों देरहागोन होन्नानै एमएलए लरेन्स इसलारीआ बुङो ।

#### ३थि खोलोबनि लकसभा बिसायख ʼथि 2024 आव गाहाइ मन्थि नरेन्द्र मदिआ गान्धी नगर बियाबआव भट थुबाय

लिरदोंदि, ‘दिनै जायफोरा भट होगोन, बिसोरखौ रेकर्ड अन्जिमानि भट होनो खावलायो । बिसोरनि सांग्रां बाहागो लानाया गुबैयै बिसायख ʼथिखौ जोबोद जिउ गोनां खालामगोन । फुङावनो भट थुनो थाखाय राजभवननिफ्राय दावबायलांनायनि उनाव गान्धीनगरनि भट मिरुआव गाहाइ मन्थि मदिआ नुजाथिफैदों । भट मिरुनि माखासे जान्थायनिफ्राय थाबायनानै भट मिरुआव हाबफै यो । भट मिरुआव गाहाइ मन्थ्रनि सिगांनो नख 'र मन्थि अमित शाहआ नुजाथिफैगोरदों । बिथानि भट थुनायाबो जोबबायमोन । गाहाइ मन्थ्रिआ सौफैनायनि उनावनो अमित शाहआ बिथांखौ हेफाजाब होफैदों । जेराव भट थुनायनि उनाव आखाय दैखानानै सरासनस्ना सुबुंफोरखौ साबायख 'र बाउहरदों । भट थुनायनि उनाव खौरां बिजोंआव मदिआ बुंदोंदि, दिनै लकसभा बिसायख ʼथिनि ३थि खोलोबनि भट थुनाय हाबाफारि । आं हादतआरिनिसिम आर'ज खालामदोंदि, गावसोर रेकर्ड अन्जिमानि भट थुफैयो । बयबो खोसे जानानै सुबुंखान्थिखौ फोरबो बायदि फालिनांगौ । गुजरटनि सासे भटार महरै बेनो मोनसेल' जायगा जेराव आं नेम बायदियै भट थुबोदों आरो अमितआ बेनिफ्राय भारतीय जनता पार्टिनि बिजाथि महरै बिसायख ʼथि बादायलायदों । मख 'नो गोनांदि, आथिखालाव गुजरटनि सुरात मासिखौ हेंथा बादयगिरि गैया जासे बिजेपिआ देरहाबाय । दिनै दादरा आरो नगर हाभेलि आरो दमन आरो दिउआव मोननै लकसभा मासिनि थाखाय भट थुनाय हाबाफारियाबो खुंजादों । बेनि अनगायैबो आसामआव मोनब्रै, बिहारआव मोनबा, चतिसगङ्गआव मोनस्त्रि, मध्य प्रदेशआव मोनदाइन, महाराष्ट्रआव मोन जिसे, उत्तर प्रदेशनि मोन जि आरो सोनाब बंगनि मोनब्रै मासियाव दिनै भट थुनाय हाबाफारिया खुंजादों ।

## कक्राइार, बरपेटाआव कंग्रेसनो गुबुन गुबुन हारिमायारि भट होदों: सान्तनु शर्मा

कंग्रेसनो भट होदों होन्नानै जों फोथायो । गुबुन फार्सेथिं अबर ʼनि एमपि नबकुमार सरनियानि दखलआव थानाय कक्राइार लकसभा बियाबआव भटार रइजो-राजाफोरा कंग्रेसनि बिजाथि गर्जन मुसाहारिनि फासैं थानाया रोखा जादों । कक्राइार लकसभा बियाबआव भटार रइजो-राजाफोरा एमपि नबकुमार सरनिया, इडपिपिएल एबा एनडिए, बिपिएफनि सोलायै कंग्रेस दोलोजों लोगोसे दोलौनि बिजाथि गर्जन मुसाहारिखौ बजना लादों होन्नानै जों फोथायो । आसाम प्रदेश कंग्रेस दोलौनि गाहाइ नेहाथारि सान्तनु शर्माआ बुडोदि, कक्राइार लकसभा बियाबआव एमपि नबकुमार सरनियाआ हारियारि फोरमानलाइनि बेले-बेजे जानायनि थाखाय बिथाङा बिसायख ʼथि गेलेनायनिफ्राय जानगाराव थानांनायजों लोगोसे बिटिसिआव 17 बोसोर खुंथाइ खुंबोनाय बिपिएफ आरो थानाय 3 बोसोर बिटिआरखौ खुंनाय इडपिपिएल-बिजेपिनि फासैं गासैबो हारि-माहारिनि सुबुंफोरनि गोसो बायनायजों समानैनो आसाम प्रदेश कंग्रेस दोलौनि आफादगिरि भुपेन बरा, दिल्लीनि संसदआव गोख्रों बिफाव लानाय कंग्रेसनि एमपि गौरभ गगै, आसाम प्रदेश कंग्रेस दोलौनि मावफुं आफादगिरि एमएलए जाकिर हुसेन सिकदार, एमएलए आब्दुर र्हिम आहमेदजों लोगोसे कंग्रेसनि सिगां सारिनि दैदेनगिरिफोरा गोख्रों फोसावदिंनायखौ भटार रइजो-राजाफोरा गोसो गोबोंजों बरायदों । भुपेन बरा, गौरभ गगै, जाकिर हुसेन सिकदार मोनबायदि कंग्रेसनि दैदेनगिरिफोरनि गोख्रों फोसावदिंनायनि उनाव कक्राइार लकसभा बियाबआव कंग्रेसनि फासैं नोजोर बोनानै रइजो-राजाफोरा दिनै कक्राइार लकसभा बियाबआव कंग्रेसनि बिजाथि गर्जन मुसाहारिखौ बजबनानै बिथांनो भट होदों । फेगौ समावबो कक्राइार लकसभा बियाबजों लोगोसे बिटिसिआव भुपेन बरा, गौरभ गगै, जाकिर हुसेन सिकदारजों लोगोसे कंग्रेसनि हाइ कामान्डनि दैदेन्नायाव कंग्रेसनि देरहासाद यात्राआ सोलिबाय थागोन । रइजो-राजाफोरा कंग्रेसखौ बजबनानै लागोन होन्नानै गाहाइ नेहाथारिआ बुङो । बरपेटा लकसभा बियाबजों लोगोसे गुवाहाटी आरो धुबुरि लकसभा बियाबआवबो कंग्रेस दोलौनि देरहानाया रोखा होन्नानैबो आसाम प्रदेश कंग्रेस कमिर्टिनि गाहाइ नेहाथारि सान्तनु शर्मा खौरां बिजोंनि सिगाङाव दाबि खालामो ।

## आसामनि जोबथा खोलोबनि भट थुनाया बेलासिनि 5:00 रिगासिमाव 74.86 जौखोन्दो भट थुजादों

आरो दुलु आहमेद । धुबुरियाव बदरुद्दिन आजमल, रकिबुल हुसेन आरो जाबेद इस्लाममोननि गेजेराव थाम खनायारि बादायलायनाय जादों । फार्सेथिं कक्राइार बियाबआव जयन्त बसुमतारि आरो खाम्फा बरगयारिमोनाह बिसायख ʼथियाव गुबुन सासेनि हेंथायै रजखान्थि दोलौनि जानानै बादायलायदों । बेलासिनि 5:00 रिगासिमाव आसामआव भट थुनायनि हारआ 74.86 जौखोन्दो जादों । गुवाहाटीआव भट थुनायनि जोबथा 5:00 रिगासिमाव 67.68 जौखोन्दो, कक्राइारआव 74.24 जौखोन्दो, बरपेटाआव 76.86 जौखोन्दो आरो धुबुरिआव 5:00 रिगासिमाव 79.70 जौखोन्दो भट थुजादों ।

## चिराँनि भट मिरुआव भटारनि जिउ खहा

थागिरि हुसेन आलि (38) होनना सिनायथिनो होदों । भटारनि थैनायनि गुबै जाहोनखौ दासिमबो मिथिनो मोननाय जायाखैब्लाबो, नुगिरिफोरा हुसेन आलिआ लोमजानानै थानाय समाव हरखबै मासिनिफ्राय हायाव गोग्लैदोंमोन आरो जायगायावनो जिउ गोमादोंमोन होन्नानै बुङो । हुसैन आलिआ हार्ट एरेस्टनि जाहोनाव थैदों होन्नानै जायगानि सुबुंफोरा सन्देह खालामदों । हुसेन आलिनि रूसारि जानाया नेपालपारा ओन्सोल नाडैनो दुखुनि सायखं साग्लोबहोदों ।

## माजबात पुलिसआ गोबां बिबांनि गान्जा हमदों

थानानि आइ सि प्रनब बरुवानि दैदेन्नाय पुलिसनि मोनसे हान्जाया आसाम अरुनाचल प्रदेश समिना ओन्सोलनि बगरिबारि ओन्सोलाव हरसे नागिरनाय हाबाफारि लायो । बे हाबाफारियाव बगरिबारि ओन्सोलाव हाग्रानि गेजेराव दोनखोमानाय गासै 105 किल ʼग्राम गान्जाखौ पुलिसआ बोखानों हायो । उनाव माजबात पुलिसआ बोखानाय गान्जाखौ माजबात थानासिम लाना थाङो । बे जाथायनि सोमोन्दै माजबात पुलिसआ संदानाय हाबाफारिखौ लागसिनो दं होन्नानै मिथिनो मोन्नाय जादों । बोखानो हानाय गान्जानि बेसेना माहारि गेजेर हाथयाव गासै 52 लाख 50 रोजा जागोन होन्ननै पुलिसआ मिथिहोदों ।

## कक्राइार लकसभा बियाबनि सालबारियाव दरथाम जायगायाव इभिएम गात्रि जादों

जादों । फार्सेथिं, समुवागाटियाव थानाय 73/1 नं. गाटि गुदि फराइसालियाव माखासे समनि थाखाय इभिएम मेसिनआ गात्रि जादों । फुंनिफ्राय भट थुनाया सोलिबाय थानायनि गेजेरावनो इभिएम मेसिनआ गात्रि जादों । गासै 15 मिनिट सम इभिएमआ गात्रि जानायाव भट थुग्रा रइज्यो-रजाफोरनि गेजेराव जेंना सोमजिदोंब्लाबो जोबथारनायाव माखासे समनि उनावनो इभिएमआ मोजां जाफिन्नायाव फिन भट थुनाय हाबाफारिया जागायफिनो । फार्सेथिं, उत्तर बरतारिनि 164 नं. गुदि फरायसालिनि भट मिरुआव भट थुनाया जागायजेन्नायावनो इभिएमआ गात्रि जादों । नाथाय दसे समनि उनावनो इभिएमआ खामानि होफिन्नायाव भट थुनाय हाबाफारिखौ लाखिलादों ।

## भवानिपुर-सरभग आरो बजाली बियाबआव गोजेनै भट थुनाय फोर्बोंआ थुंगेलांबाय

73.5 जौखोन्दोनि अनगायै बजाली बियाबआव भटारनि हारआ 71.2 जौखोन्दो जादों । मख 'नो गोनांदि, बिसायख ʼथि जिल्लायाव आदर्श भट थुग्रा मिरु महरै बर'-बामाकातानि मुंखलं अकेन्द्र गोजौ फरायसालियाव मोननै आरो सरुपेतानि सरुपेता गार्लस हाइ स्कुलआव मोननै भट थुग्रा मिरुखौ खुंथाइनिफ्राय गोसो मुहिहोनो हानाय बायदियै साजायदोंमोन । बे मिरुफोराव बायदि रोखोमनि खाबुफोरखौ होफानाय जादों ।

## लासै-लासै जों गोजौ थाखोनि हादतसिम सौहैगासिनो दङः अंगराग पापन महन्त

बोरसोल' बिथांखि लानायनि थाखाय । जोंबो बेबायदिनो सरकार हास्थायो । सावगारि बोनायनि सोमोन्दै पापनआ बुंदोंदि, अरायबो देख्बो रोजाबबाय थानो हाया, गागि जाबाय । नुनायावसो लाइमोन जानानै दङ। फार्सेथिं बिहुनि हाबाफारिखौ लानानै पापनआ बुंदोंदि, बिहुनि आरोबाव मोननैल ' हाबाफारि दसै । भटारफोरनि थुलुंगान्खानायखौ नुनानै पापनआ बुंदोंदि, लासै-लासै जों गोजौ थाखोनि हादतसिम सौहैगासिनो दङ।

## फैगौ ९-10 मेआव समुवागातिआव गेवलां बिहु बादायलायनाय आरो हारि-माहारियारि फोर्बों खुंगोन

फरायसा आफादनि आफादगिरि रुपम सुत्रधर आरो बान्ज्या आफादनि नेहाथारि स्तु दासआ । 10:30 रिगायाव बिफां फुलि गायजेनगोन हाग्रा बिबानगिरि बाबुल ब्रह्म आरो दिपक मेधिआ । बेबायदिनो 10 मेखालि बेलासिनि 5:30 रिगानिफ्राय खुंनो गोनां दुलायय आसाम बिथानि गेवलां बिहु बादायलायनाय आरो हारि-माहारिनि हारिमुवारि फोर्बॉनि जौसांखौ बेखेवनानै होगोन सरथेबारिनि बापुजि फरायसालिमानि गोरायुं उ॰ रमेश चन्द्र दासआ । गेवलां बिहु बादायलायनाय आरो हारि-माहारिनि हारिमुवारि फोर्बॉआव दुलाराय आसाम फरायसा आफादनि लेङाइ आफादगिरि भबजित बेजबरुवाआ गाहाइ आलासि महरै, बाक्सा जिल्ला पुलिस बिबानगिरि उज्जल प्रतिम बरुवा आरो दुलाराय आसाम फरायसा आफादनि मिरुनि आफादआरि नेहाथारि कंकन ज्यती शर्माआ माननि आलासि महरै बाहागो लागोन । मख 'नो गोनांदि, दुलाराय आसाम बिथानि गेवलां बिहु बादायलायनाय आरो हारि-माहारिनि हारिमुवारि फोर्बॉआव आसामनि मोन 15 सिगां सारिनि बिहु हान्जा आरो गुबुन गुबुन हारि-माहारिनि हारिमुवारि हान्जाफोरा बाहागो लागोन होन्नानै बान्जाय आफादआ मिबथि होदों । दुलाराय आसाम बिथानि गेवलां बिहु बादायलायनाय आरो हारि-माहारिनि हारिमुवारि फोर्बॉआव गासैबो थाखोनि सुबुंफोरखौ बाहागो लानो थाखाय बान्जाय आफादआ खावलायहरदों ।

## सुंद'सल' बास सायाव लाइमोन सिख्ला

मुश्री डेलसिं नार्जारी

मंगल बार बाराय । बेलासिनि नै (2) बाजि सम । गाम्बारी बिल गामिनिफ्राय ग'साइगावआव फेनो होन्ना गंसे बासआव गाखोनो थाङो आं । बोधोरा जावलिया बोधोरमोन; फागुन दान । जैरेंथिंबो जावलिया बारनि बुबथिंनाय आरो हाद्रिनि बिरफुंनाय । मबेबा मबेबा बिफानि बिलाइफ़्रा गुफुर जालाइ दोंमोन हाद्रि सिथाबना । बिब्दि बारनि बुबथिंनायखौ नुनानै बास सिङाव गाखोना मोजां सिट (जिरायग्रा) नायना जिरायना थादोंमोन आं सिरियै । बासआव बांद्राय मानसिफोर गैयामोन । आं जिरायनाय सिटआव आं हारसिडैल' मोन । दसे समनि उनाव बासआ खारो । खारै खारै खारना बासआ माब्लाबानो बावह्मगुरी बास रिटेनआव हाबफैयो । बासआ दिदोम थायोब्ला खिरखिजों नायहरदोंमोन आं, ग'साइगाव आव थांग्रा दङ ना गैया । हरखाबनो बासनि दरखंआव हमना गाखो फैयो साबा (5) बावह्मगुरी हाइ स्कुलनि लाइमोन फरायसुलिफ़्रा । जेनोबा दावसि बाहा सिलाइया बदि । सेंथि सिख्ला गाखोनाया बासनि सिङाव हाबना नाइथिं नायथा आंनि फासैं नोजोर होना फैयो । गोसोआव हरखाबनो सानखांदोंमोन आं – आं जिराय साखाथिनि लांदांआव जिरायफैगोनखौ । गमामायैनो आंनि खाथिआव फेना सोंफैयो-

सिख्ला: आदा; जिरायनो हागोन ना बेवहाय ?

बिनास: हागोन बिनानाव, रावबो गैयाया ।

आंनि बेबादि फिननायाव सिख्लाया गोसो खुसियै जिरायदोंमोन ।

गुबुन सिख्लाफ़्रा बासनि जोबथारनाय सिटआव जिरायदोंमोन । बासआ बावह्मगुरी बास स्टेननिफ्राय 2.30 मिनिटआव खारो । बासा खारनाइ लोगो आंजों जिरायनाय सिख्लायाबो आंखो रायदाव जेनो.. ।

सिख्ला: आदाया मबेनिफ्राय फैदों आरो मबेआव थांगोन ?
? सिख्लानि बेबादि खेबसेयैनो मोननै सोंथि सोंनायाव गोजांस्रिउ मोनलाइदोंमोन आं आरो खुदुै गरदसे ग्रद' मन'ना फिनो आं-

बिनास: आं गाम्बारी बिलनिफ्राय फैदों आरो ग'साइगावआव थांगोन

सिख्ला: आदाया गाम्बारी बिलनिखा नामा ?

बिनास: ओहो, आं गान्बारी बिलनि नङ।

सिख्ला: अब्ला..... ।

बिनास: आंनि आंगो गामिया ग'साइगवनि साहा थानाय मालागुरीआ आंनि आंगो गामि । आं मुंदांखा मेथाइ लिरगिरि, खनगिरि जे: ब्रह्मनाव थायो ।

सिख्ला: अ'..... ॥ मा खालामो आदाया, बे आदानाव थानानै ?

बिनास: बिनानाव आं बेनि गुपुरखौ होनो हानाय नङ। आरो बिनि फासैं सोडेआनो गाहाम ।

सिख्ला: अके बिब्दब्ला । नाथाय आदानि मुङ ?

बिनास: आंनि मुङ बिनास ब्रह्म ।

सिख्ला: आदाया बेसेबां फरायनाय ?

बिनास: थाखो जिसे (पास्ट इयार) आं ग'साइगाव कलेजआवनो फरायो ।

सिख्ला: आदा नोंहा कलेजआव गार्ल प्रेन्ड दङना गैया ?

बिनास: ओहो, आंहा गैया । नाथाय गामियाव सानै आं गोसो गोथारै मोजां मोन्नाय आइ आरो आफा ।

सिख्ला: मा..... ॥ आइ आरो आफा ॥

बिनास: औं..... ।

सिख्ला: बिनास आदा. नोंहा गार्ल प्रेन्ड गैयाब्ला, आं नोंनि जिउनि असे गार्ल प्रेन्ड जानोसै । आंखौ नोंनि दखरसे बिखायाव जायगा होदोना । जिउनि रानी खालामदोना । नों आंनि थैस'थांस' जिउनि आदा दिनेनिफ्राय । नों आंनि बय प्रेन्ड ।

बिनास: मा..... । मा होनदों नों सिख्ला ; खर गात्रि नङ थ' नों सिख्ला ।

गोसो सिङाव सान्दोंमोन आं, सिख्लाया आंखौ मानिबा थाखाय इन्टारभिउ लायाखैथ..... ? सिख्लाया आंखौ रेगिं खालामाखै थ' ?

सिख्ला: मा सानहाबखो आदा ?

बिनास: अ', सानाखै जेबो बिनानाव । आद'सा बिनानाव नोंनालाइ मुङ माथो ?

सिख्ला: आंनि मुङ मौसुमि बसुमतारी । आंगो गामिआ बामोन खुग । आरो आं दां जि थाखोयाव फरायगासिनो दङ आदा ।

बिनास: अ, मौसुनि बसुमतारी । मोजाङनो बिनानावना मुङ। मौसुमि बार; मौसुमि बसुमतारी..... ।

मौसुमि: आदाया बिब्दब्ला आंखौ दखरसे बिखायाव जायगा होबाव । आदाया बिब्दब्ला आंखौ बजबबाय । थागोन अरायनि थाखाय आदा आं नोंनि दखरसे बिखायाव अन्नायनि फिथिखा लुफावना । आदाखौ आं मोन्दंबाय दि आदाया थारैनो अनसुला आओ महर गोसाबो । आदा; मानसि हारिया जोनोम जानानै जुलि जायाबा जिउआ जेबो ऑथि गैया । जोनोम जानानै जुलि आरो थैनाया मानसि हारिनि खुलाव खेबसेल' । आदाया मा सानखो आंनि बुंनाय रावआव..... ।

बिनास: हाम्बायसै मौसुमि हाम्बाय । नोंनि बे बाथ्रयाव खर'खौ गिर्दिलाइनया मोनबाय आं ।

बिनास: ओहो बिनानाव आं लोङ।

आरो नोंनि बे बाथ्राखौ आं गनायनो हानाय नङ।

मौसुमि: मानो आदा..... ।

बिनास: मानोथो बुंबावनो नों मौसुमि ॥

आंनि बिखायाव नोंनि मुडै दखरसे जायगा गैया । मोजां मोन्नाय आरो गोसो थोनायनि लैथोयाव आं दानो गोजोमनो सानाखै । जिउआव आंहा गोबां थांखि दङ। थांखिआ जाफुङब्ला..... ॥

मौसुमि: थांखिआ जाफुङब्ला मा; जुलिबो जाया आरो संसारनि फासैं जेबो सानखाङ नामा..... ??

बिनास: मौसुमि; जुलि संसारा मा जिरात बेखौ नों मिथिगो थ' ।

नोंबो सासे लाइमोन सिख्लासो आरो आंबो सासे आजोला सेंगरासो । बिब्दि समाव जुलि आरो संसारनि खोथा बुङोब्ला, गावखौनो गाव लाजिनाय मोनो आं । जुलिखौ थ' जानो हायो, जुलि जानो माथो मोन्थोर दं । नाथाय जुलिनि उनाव फैयो संसार । नाथाय संसारा मा मौसुमि..... ???

बेबादि समाव जोंहा संसारनि मा सानखांथि दङ। आंखौनो आं सानो आंहा दाबो संसारनि सानखांथिआ सोमजियाखै । इयुनाव थाना थानो थाखाय आरो गावनो गाव हारसिंङैगर्सना थानो थाखाय गोहोआ थानांगोन । गोहोआ गैयाब्ला दुखु, ख्छटनि लैथोआव सानथिंनगोन । मिथिखा नों बेखौ मौसुमि बसुमतारी । आरो दानि बे मुगायाव “बैसो जास्ताबै समावनो सासे लाइमोन सिख्लानि बिखुं सायाव गथसानि महरखौ नुनो मोनसै ।” जाहोनआ मा ..... ??

सोरनि थिन्नायाव आरो सोरनि दैथिंनायाव लाइमोन सिख्लाफ़्रा बे बिबानखौ रुजुननांदों । बियो रावनिबो थिन्नाय आरो दैथिंनायाव जायाखे । बियो गावनिनो गाव सुख' हायै गिदिर गोरोन्थि । मानोना मानसिया जिब्रै बैसोनिफ्राय (14) जिङाइन बैसोनि (18) जावरिनायआव गावखौनो गाव हमथानो हायैआव ..... ॥ बुजिनो हाबाय थ' मौसुमि ।

मौसुमि: आदाना बाथ्रा बुंनाया बांद्राय जाबाय नामा । उन सिगां साननानै बाथ्राखौ बुंनांगौ । नाथाय रुगुं गेयै बादिसो बाथ्राखौ बुंलांबाय । आदा आंखौ गोरोन्थि हाजासे सानबाय । नङ ना..... ।

बिनास: बांद्रायनो, खमद्रायनाय बादिसो मोन्दों माथो आं । नोंबादि सिख्लानि सिगांयाव बाथ्रा बुंनाया बांद्राया आरो सानखानानै उन सिगांनि बाथ्रा बुंनांगीनि जेबो मान फैया । नोंबादि सिख्लानि सिगांआव सोदोबथि गेयै आरो ऑथि गेयै बाथ्राखौसो बुंबावनांगौ ।

मौसुमि: आदाया आंखौ मा सानखो ?

बिनास: नोंहा बेबायदि सोंफिननो हानाय गोहोया दङब्ला थ' बुजिनो हानाय गोहोआबो ना थानांगौमोन । बुजिनो हानाय गोहोखौ मबेवथो बाहायगारो नों । आं नोंखे जेबो सानाखै मौसुमि । खालि बेखोेल' सान्दों माखौ लानानै माखौ नुनानै आंजों मानो बेबायदि जाथाय गेलेबोखो । मा रायज्जायनांगौ आरो मा रायज्जायबोखो । बे बास सायाव जॉनि आइ आरो आफ्राजों समान जानाय मानसि दङ। नों बेखौ मिथिआ नामा । मान सनमाननि खोथा दङना । दिनै बास सानि मानसिया मा सानखो जोंखे । गावसोसो मिथिसिगौ ।

मौसुमि दिनै नों जि (1०) थाखोयाव फरायगासिनो दं, फरायग्रोना । उनाव समजों लोगोसे जानानै फेङखायो । सम दङना बिब्दिआव आगान होनायनि । बायदि बायदि रावजों बुजायनायाव मौसुमिनि थाइनै मेगानिफ्राय दुंब्रुद मोदैआ ग'बोयो । मौसुमिआ गावनि स्कुल बेगनिफ्राय रुमाल हानना हाथासि गोसोजों मोदैखौ हुगायनांदों ।

बास सानि मानसिफ़्रा जों सानैखौ गल' नाइगोमोदोंमोन । गावखौनो गाव लाजिनायबो मोन्दोंमोन आं । बे समावनो बासनि सेकारा बामोनखुरा बामोनखुरा होनना खुगा दामो ।

अब्ला मौसुमिनि मोखाआव नायना बुंदोंमोन आं-

मौसुमि ओंखारदो, नोंसिनि बास सिटन मोनबाय । हनै नोंना लोगोआ ओंखार लांजोब बाय ।

मौसुमि: अ'..... ।

नोंखे आं बावा आदा । उनाव माब्ला लोगो मोनफिनगोन । बाइ-बाइ ।

( ओंखारलानायनि सिगां बिनासनि मोखां नायना बुंलांदों मौसुमि । बासा खारफिनो.... ।

बिब्दिनो बिनासआ बासनि सायाव बायदि बायदि सानहाब बोदोंमोन । गिबियावनो सान्दों लाइमोन सिख्लानि गियानाव सासे सेंग्रानि सायाव जर जुलुम नाखेबनानै मोजां मोननो थाखाय नाजानायानो बिसोरनि आखु नामा ? महरनि हायना सारफावना सासे सेंग्रानि गोसोखौ जावलिया खालामनायानो बिसोरनि धोरोमखा नामा ? गोसो थोनायानो लाइमोन सिख्लानि गिबि आरखु नामा ?? साननायनि लैथोआव गबनानै माब्लादि बासआ ग'साइगाव बा सिटनआव

# गोजामसिन सुपार हिर' सावथुन 'सुपारमेन' आ फिन 2025 माइथायाव फैफिनसिगोन

सावथुन मुलुगनि बयनिखुइबो गोजामसिन सुपार हिर' सावथुन 'सुपारमेन' आ गिदिर फैं सालियाव फैफिनगासिनो, जायजों बे आखुखौ फाव खालामनाय फावखुंगुरनि नुथायनि सायाव सास्पेन्सआबो जोबबाय। गोदान सुपारमेन सिरिजन सावथुनखौ जेम्स गनआ दिथा होदों, जाय गोदान सुपारमेनखौ सिनार्यथि होदों। जेम्स गनआ ससेल मिडियाआव नुथायखौ फोसावदोंमोन आरो बेजों सावथुननि रिलिजन अक्ट 'खौ 11 जुलाइ 2025 माइथायाव फोसावदोंमोन। सावगारिखौ ओरैबादि लानाय जादों सुपारमेननि शूट गान्नाय महर गिरिखौ गावनि बूटफोरखौ जासिनाय नुनो मोनो, मानोना बबेहायबा थानो थियारि खालामगासिनो दड। गनआ के प्शनआवबो



लिरदोंमोन- गेट रेडी, सुपारमेन। डेभिड करेन्सवेटआ दा हेनरी के विलनिफ्राय सुपारमेननि आखुनि बिबानखौ लादों। हेनरीखौ जोबथा खेब 2023 माइथायनि सावथुन 'दा फ्लैश'आव सुपारमेन महरै नुनो मोन्नाय जादोंमोन। डेविडनि मुंखौ थानाय बोसोराव फोसावनाय जादोंमोन, नाथाय गिबि नुथाया दा सौफेबाय।

डेविडआ सासे अमेरिकानि फावखुंगुर आरो 2011 माइथायनिफ्राय सावथुनफोराव सांग्रां जानाने दड। बिथाड माखासे टिभि श'आव आलासि फाव खालामदोंमोन। डेविडनि गिबि फीचर सावथुना 2018 माइथायनि एफेयर्स अफ स्टेट, जेराव बिथाड गाहाइ बिफाव लादोंमोन। हाउस अफ कार्डसनि 72थि एप्सिडआव

बिथाड रीडनि फावआव नुजादोंमोन। सुपारमेनआ डेविडनि गिबि गाहाइ आरो गेजेर हायुआरि फ्रैन्चाइजी सावथुन। डिंसिनि सुपर हिर' सुपारमेननि सायाव गिबि सावथुनआ 1948 माइथायाव फैंदोंमोन, जेराव क्लार्क केन्टआ किर्क एलिनजों सुपारमेननि फाव लादोंमोन। बिनि उनाव गोबां खेब

सुपारमेननि सल'नि सायाव गुबुन-गुबुन रोजाबगिरिफोरजों सावथुनफोर बानायनाय जादों। सुपारमेनआ इं 1978 माइथायाव क्रिस्टोफर रीवजों फैंदोंमोन। रीवआ बे फारिखौ मोनबैं सावथुनफोराव फाव खालामदोंमोन। सुपारमेन रिटर्नसखौ 2006 माइथायाव फोसावनाय जादोंमोन, जेराव ब्रैन्डन रुटआ सुपारमेननि फाव खालामलादोंमोन। 2013 माइथायाव, हेनरी केविलआ मेन अफ स्टीलजों लोगोसे सुपारमेननि फाव खालामदोंमोन। 2016 माइथायाव, हेनरीआ बेटमेन बनाम सुपारमेन, डान अफ जस्टिसआव सुपारमेननि फावआव फिन नुजादोंमोन। हेनरी के विलआ 2017 माइथायनि जस्टिस लीग आरो 2021 माइथायनि जैक स्नाइडर्स जस्टिस लीगआव सुपारमेन जादोंमोन।

# गाहाम देहानि राहा

## थैखौ साफा खालामनायाव हेफाजाब होयो मैथुआ

देहाखौ गाहाम

लाखिनो थाखाय गासिबो फिथायनो-सामथायफोरा मोजां। नाथाय मैथु फिथायखौ जायोब्ला देहाआ गाहामसिनाने। मैथु फिथाइयाव माखासे गुन दं जाय देहानि माखासे बेरामखौ सोखानायाव मदत होयो। मैथु फिथायाव गोबां बिबानि केलसियाम, पसपरास, प्रटिन आरो भिटायनि थायो। मैथु फिथायाव कारपेन एबा कार्पेन थायो जाय थैखौ साफा खालामनायाव हेफाजाब होयो। बेनि थाखायनो हाइ प्रेसार गोनां सुबुंफोरा सानफ्रामबो मैथु फिथायखौ जानांगो। पलिअ' जाब्ला सानफ्रामबो मैथु फिथाय जानांगो। बेजों गोहोआबो बारायो। बारदेरग्रा बेरामा जादोंब्ला 250 ग्राम गोमोन



मैथुखौ से दान जानांगो जायो। मैथु फिथाय गोमोनखौ मोखाडाव फुनाने लानायनि उनाव रानखौब्ला मोखाखौ दे दुबुद जानायजों सुनांगो अब्ला मोखाडा जोखलोल जायो। बेबादिनो से दान खालामबाय थायोब्ला मोखाडाव सिथर-सिला जानो हाया। जाय सुबुंफोरा देहा सिडाव कब बसिनाय दंब्ला मोनायाव

ओंखाम जाखानायनि उनाव मैथु गोमोनखौ जानांगो। मैथुनाव पेप्सिन मुनि गुन दं जाय आदारखौ दोगोन खालामनायाव हेफाजाब होयो। गोमोन मैथुआ दोगोननि शक्तिखौ बांहोयो, गुफु जानायखौ सामलायो आरो माखासे देहानि जेनाखौबो थिये लाखियो। गोथां मैथु फिथायखौ ओंखि संनाने जाब्ला गोबां मुनाम्फा फेयो।

## तारक मेहेता का उल्टा चश्मानि फावखुंगुर गुरुचरण सिंहआ 15 साननिफ्रायय गोमानाने दड

फावखुंगुर गुरुचरण सिंह, जाय तारक मेहेता का उल्टा चश्मायाव गोबां बोसोरनिफ्राय रोशन सोढीनि फाव खालामदोंमोन। 22 एप्रिलआव बेखौ फोरमायनाय जादोंमोन दि, बिथानि बिफा हरजीत सिंहआ गावनि फिसाज्लाखौ खोमानायनि बागै पुलिसनो अजद होदोंमोन, जायनि उनाव जाथायनि सायाव नायबिजरनाया गोखेनो जागायदोंमोन। सि.सि.टि.भि. फुटेजनि गेजेरजों पुलिसआ खौरां मोन्दोंमोन दि, गुरुचरण सिंहआ गोमानायनि सिगां दिल्लीयाव दंमोन। फावखुंगुरनि बोराय बिमा-बिफायाबो फिसाज्लाया एसेबां सानसिम न'आव फैफिनैनि थाखाय दुखु मोनदों। 15 सानसिम तारक मेहेतानि 'सद्दी' नि बागै जेबो सुलुं मोनैनि उनाव, दा बिथानि अनसायगिरिफोरनि जिंगायाबो लासै-लासै बांगासिनो दड। बावैसो मोनसे मोगा-मोगियाव, गुरुचरण सिंहनि बिफाया गावनि



फिसाज्लाखौ 15 सानसिम नुयैयाव दुखु फोरमायदोंमोन आरो बुंदोंमोन दि, बिथाड बे थासारिजों माबोरै मोगा-मोगि जानांगो बेखौ बुजिया। जों जौनि फिसाज्लाखौ नायनो थाखायल' नेगासिनो दड। तारक मेहेता का उल्टा चश्मानि फावखुंगुरनि बिफाया बुंदोंमोन दि, बिथाड दासिमबो पुलिसनिफ्राय माबा मोनसे आपडेटनि थाखाय नेगासिनो दड। गुरुचरण सिंहनि बिफानि उनाव, दा अनसायगिरिफोराबो पुलिसखौ सोंथि खालामनो हमबाय दि, थानाय 15 साननिफ्राय तारक

मेहेता फावखुंगुरनि सोमोन्दे मानो जेबो सुलुं मोनाखै। बिथांजोआ बुडो दि, जेब्ला पुलिसआ मिथियो दि, बियो दिल्लीयाव दं, अब्ला बियो मानो बिखौ नागिरना मोनाखै। 15 साननि बांसिन सम सशेल मेडियाआव गावसोरनि मोजां मोनजासिन्नाय हाथखिनि जेबो पस्ट नुयैनि उनाव अनसायगिरिफोरनि गोजोन गैयैआ बांगासिनो दड। सासे बाहायगिरिया लिरदों, 'जेराव नोंथाड दड; मिजिथियो नोंथाड आबुडै रैखाथि गोनां, जों नोंथांजों सोमोन्दो थानाय

जायखिजाया रोखोमनि जाब्रबथायनि खौरां खोनाया'। गुबुन सासे बाहायगिरिया लिरदों, 'शेर पुट्टरआ सधी, बियो जेराव दं बेवहायनो रैखाथियै थागोन'। गुबुन सासे बाहायगिरिया लिरदों, 'जाय बुंदों दि, बियो पाटि खालामगोन, एसे लाजिनांथाव सुबुं, बेयो मोनसे फेस्ता बाथ्रा नड।' बिथाड गुबै जिडआव गोमादों, रील लाइफआव नड'। गुबुन सासे बाहायगिरिया दुखु फोरमायदोंमोन आरो लिरदोंमोन, 'दा न'आव फैं सधि फंबाय, फेस्ताया जोबबाय'। गुबुन सासे अनसायगिरिया दुखु फोरमायदोंमोन आरो लिरदोंमोन, 'पुलिसआ मा खालामगासिनो, 15 साननि गेजेराव सासे सुबुंखौ नागिरना मोनाखै'।


## आलिया भाट्टआ मेट गालानि समाव दिपफेक भिडिअनि मैहर जानादों



फावखुंगुर आलिया भाट्टनि मुड गेजेर हायुआरि फेसन हाबाफारि मेट गालानि बागै सावरायनायनि मोनसे आयदा जानाने दड। राहा कापुरनि बिमाया गावनि स्टाइलिश नुथायनि थाखाय जोबोद बाखानायजागासिनो दड। नाथाय माबा मोनसे गुबुन जाहोननि थाखाय आलियाआ बे समाव सोराडव दड, जायनि जाहोना मोनसे दिपफेक भिडिअ। मेट गालानि गेजेराव आलिया भाट्टनि मोनसे गोदानसिन गोथी नंखाय भिडिअआ आथिखालाव ससेल मिडियाआव भाइरेल जागासिनो दड। बे भिडिअआव बिथानि मोखाखौ फावखुंगुरि भामिका गब्बीजों सोलाय-सोल' खालामनाय जादों। थानाय बोसोराव आलिया भाट्ट आरो खोला सावथुन मुलुगनि सुपारस्टार रश्मिका मन्दानानि मुंफोरा दिपफेक भिडिअनि थाखाय गिबि खौरांआव फैंदोंमोन। बेबादि थासारियाव रणबिर कापुरनि बिसिआ फिन खेबसेबाव सावरायनायाव फैंदों। गुबैयै माखासे सान सिगां, अनफिक्सफेस इनस्टाग्राम हेन्डेलआ मोनसे भिडिअ सेयार खालामदोंमोन, जेराव आलिया भाट्टखौ गोजा सारि आरो बल्ड स्टाइलआव नुनो मोन्नाय जादोंमोन। बे भिडिअआव आलियानि मोखाखौ ओरैबादि, थि खालामनाय जादों दि, नोंथाड फोथायनो हानाय नड दि, बेयो नंगुबै भिडिअ ना दिपफेक। नाथाय जेब्ला नोंथाड नेटफ्लिक्स सावथुन इन्टेलिजेन्स फावखुंगुरि भामिका गब्बीनि बे भिडिअखौ नायगोन, अब्ला नोंथाड मिबथिनो मोनगोन दि, दुथांआ जोबोद मोजाडेबिथानि मोखाखौ आलियानि मोखाजों सोलायबाय। आथिखालाव आलियानि बे भिडिअआ इन्टरनेटआव अर बायदि भाइरेल जागासिनो दड।

## बलिउडनि फावखुंगुर रनभिर सिं आरो दीपिका पादुकननि जराखौ अन्साइगिरिफोरा गोबां मोजां मोनो

बलिउडनि मुंदांखा जरा रणभिर सिंह आरो दीपिका पादुकनआ लाख-लाख सुबुंफोरनि अन्सायनाय मोन्नो हादों। हास्थायगिरिफोरा दासिमबो गावसोरनि केमिस्ट्रीखौ सुपरहिट मानियो। रणभिर आरो दीपिकाआ माखासे दाननि उनावनो बिमा-बिफा जानो थांगासिनो। दीपिका पादुकन आरो रणभिर सिंहआ 4 बोसोर डेटनि उनाव 2018 माइथायाव जुलि जादोंमोन। बिथांमोननि मोजां मोनलायनायनि सल'आ सन्जय लिला भन्सालीनि सावथुन 'गोलियों की रासलीला: रामलीला'जों जागायजेदोंमोन। जेब्लानो दीपिका-रणभिरनि जराखौ जयै नुनो मोनो,



अनसाइगिरिफोरनि खुसिनि जेबो सिमा गैया जायो। बबेखानि, बे जरानि सोमोन्दे बेबादि मोनसे बाथ्रा ओंखारदों, जाय बिसोरनि माखासे अनसायगिरिफोरनि गोसोखौ सिमफायनो हागो। दीपिका पादुकन आरो रणभिर सिंहनि जुलिया गोबां खेब सावरायजाबाय थादों। जिखिजायामानो, बिसोर सानैबो गावजों-गाव मोजां मोन्नायखौ दिन्थिनाने खेबफ्रोमबो बे नंखाय रादाबफोरखौ फिन्नाय होदोंमोन। नाथाय बे खेबाव

माबा मोनसे गुबुन खौरां ओंखारगासिनो दड। 'ज्ञान' सावथुननि रिपटनि बायदिब्ला, रणभिर सिंहआ जुलिन सावगारिफोरखौ खोमोरदोंमोन। इनस्टाग्रामखौ स्केन खालामनायाव रणभिर सिंहनि प्रफाइलआव 2023 माइथायनि सिगांनि जेबो पस्ट मोन्नाय जायाखैमोन, जेराव दीपिकाजों बिथानि जुलिन सावगारिफोरबो दंमोन। बबेखानि, दीपिकानि प्रफाइलआव जुलिन सावगारिफोर दड। अनसायगिरिफोरा बे पस्टखौ

सोंखारिदोंमोन, रणभिरनि प्रफाइलआव जुलिन सावगारिफोरखौ नुवाखैमोन। सासे बाहायगिरिया जंखायनाने बुंदोंमोन- 'बेयो जनी सिन्सनि थाखाय जादोंमोन। एखे समावनो, माखासे बाहायगिरिफोरा बेखौ मोनसे पाब्लिसिटी स्टन्ड बुंदों। बिनि सिगाडव, दीपिका पादुकननि इनस्टानिफ्राय सावगारिफोरखौ खोमोरनायनि खौरांआ गोखैयै गोसारदोंमोन। बबेखानि, बिथाड सावगारिफोरखौ खोमोरनो हायाखैमोन आरो माखासे समनि थाखाय दो न खो मी दो' मोन। अनसायगिरिफोरा रहित शेट्टीनि 'सिंघम एगोन' आव रणभिर सिंह आरो दीपिका पादुकनखौ नुगोन। साननैसो सिगां सेटनिफ्राय दीपिकानि बिटिएस सावगारिफोराबो भाइरैल जादोंमोन।

## मुंदांखा बलिउडनि फावखुंगुर अनुपम खेरआ माखासे जाहोनखौ लाना रत्ना पाठकनि सायाव सोंखारिदों



बलिउडनि फावखुंगुर रत्ना पाठक शाहआ गावनि गोरोथि गैयै स्टाइलनि थाखाय मिबथिजायो। बिथांजोखौ गोबां समावनो गावनि जिनिसफोरखौ मानसिफोरनि सिगाडव लादां महरै दोन्नाय नुनो मोनो। साननैसो सिगां बिथाड फावदिन्थिनाय फरायसालिखौ मोनसे गला होन्ना बरनायदोंमोन। दायो रोंगथि गोनां फावखुंगुर अनुपम खेरनि फिनजाथाया बेनि सायाव ओंखारबोदों। बिथाड रत्ना शाहखौ मोनसे सोंलु सोंदोंमोन। अनुपम खेरआ गावनो मोनसे फावदिन्थिनाय फरायसालिबो सालायो। दायो बिथाड बावैसो पिंकविलाजों सावरायनायाव

बुंदोंमोन दि, आं बेनि सायाव फिनजाथाय होनांगीनि गोनांथि गैया। बेयो बिसोरनि नोजेर। आं नसीरुद्दीन शाहजों मोनसे मोगा-मोगिबो नायगासिनो दंमोन। बिबो बे बाथ्राखौनो बुंगासिनो दंमोन। आं सानो बिसोर सानैबो नेशनेल स्कुल अफ ड्रामानि, बिसोरो नेशनेल स्कुल अफ ड्रामाखौबो गला बुंगोन नामा? फावखुंगुरआ बुंदोंमोन दि, माब्लाबा-माब्लाबा सासे सुबुड गाजि रोखोमै बेबादि बुडो, नाथाय बिसोर मा सानो बेखौ थार दिन्थिनाया आनि खामानि नड। जुदि बिसोर बेखौ गला सानोब्ला, आंहा जेबो जेना गैया। मोगा-मोगियाव

आरोबाव रायज्जालानायाव, अनुपम खेरआ बुंदोंमोन दि, आं सुबुंफोरनाव मोजां नुयो। गाजिसिन सुबुडबो मोनसे मोजां हान्जा थागोन। आं गोसोआव दं जेब्ला आं ड्रइभनि थाखाय आनि गिबि कारखौ लादोंमोन, नासीरआ आंखौ नुदोंमोन आरो जोबोद दुंबुद दिन्थिदोंमोन। बियो बुंनयसै, वाह अनुपम नोंथाड जोबनायाव गारिखौ बायबाय। बिथाड आनि फारसे दिन्थिनाय दुंबुदखौ आं बावनो हाया। मोनसे इसारा आनि थाखाय गोनांथार। बिथाड आनि बेरेखायै जायखिजाया बाथ्रा बुंनो हायो नाथाय बेयो बिथानि नंगुबै फिनजाथाय जायनि बागै आं जेब्लाबो सानगोन आरो गोसोआव लाखिगोन। आं नोंथांनो खोन्थानो होयो दि, अनुपम खेरआ आथिखालाव गावनि सावथुन 'तन्वी दा ग्रेट' खौ दिथा होनायाव मुखब। बेजों लोगोसे, बिथांखौ 'छोटा भीम' आव नुनो मोनगोन।

## पुष्पा दा रूल सावथुनआव भिलेन महरआव फाव खालामनाय फहद फासिलआ गोबां जाफुंसारनाय मोन्दों

नायगिरिफोरा पुष्पा 2 नि रिलिज अक्ट 'खौ गोसो गुडुडै नेगासिनो दड। अल्लु अर्जुननि अनगायैबो सावथुननि भिलेन फहद फासिलआबो मोनसे गिदिर हाइलाइटआव थादों। बावैसो बिथाड सावथुननि सोमोन्दे रायज्जालायदोंमोन। बेजों लोगोस फहद फासिलआ सासे बलिउड सुपारस्टारखौ हादतनि बयनिखुइ साबसिन फावखुंगुर महरै बरनाय जादों। नाथाय पुष्पा थामहिनबा अल्लु अर्जुनआ नड। फहद फासिलआ गावनि बावैसो जानाय मोगा-मोगियाव बेखौबो बुंदोंमोन दि, बिथाड गावनो गावखौ सासे गिदिर हाथरिखि साना। बिसोर खालि गावसोरनि खामानिखौल' मावनायाव गोसो होयो। पुष्पा दा रूलआव फहद फासिल आरो अल्लु अर्जुननि गेजेराव गिखंथाव दावहा जागोन। जायखौ पुष्पा दा राइजआव नुनो मोन्नाय जादोंमोन। फिल्म कमेपिनियनजों रायज्जालायनायाव, फहद फासिलआ पान इन्डिया स्टार बुंजानायाव फिन्जाथाय



होदोंमोन। बेजों लोगोस बिथाड सावथुन मुलुगनि माखासे फावखुंगुरफोरखौबो बाखानायदोंमोन, जायफोरखौ बिथाड गावनिखुइ साबसिन बुंदोंमोन। बे समावनो, रणभिर कापुरखौ भारतनि साबसिन फावखुंगुर बुंनय जादोंमोन। मोगा-मोगिनि समाव फहद फासिलआ गावनि सावथुनफोरनि गोहोम आरो सासे फावखुंगुर महरै बिथानि सावगारिनि बागै बुंदोंमोन, आंहा दोनखोमानो थाखाय जेबो गैया, आं थार बाथ्रा बुंनगोन। आं बेवहाय आनि खामानिखौ मावगासिनो दड। जेखौबो अनादर खालामा। आं सानाखे

दि, मानसिफ्रा आनिफ्राय जाडु आसा खालामा पुष्पा। बेयो खालि गुबै हेफाजाब, सुकुमार सारखौ मोजां मोनो। स्टार लेबेल मोन्नायनि उनाव फावखुंगुरआ आरोबाव बुंदोंमोन, आं बेखौ बुजिनो हाया, मानोना आं आरो आनि गोबां लोगोफोरा सानो आरो फोथायो दि, विक्की कौशलआ बे जिथाइनि गिदिर दिहन्नाय। राजकुमार रावआ भारतनि दिहन्नाय बयनिखुइ साबसिन फावखुंगुरफोरनि गेजेराव सासे। रणभिर कापुरआ हादतनि बयनिखुइ साबसिन फावखुंगुर। बेनिखायनो बिसोरो आनि गेजेराव मा नुयो आं मिथिया।

## गुगलआ दुदोलनि गेजेरजों लक सभा बिसायख'थि 2024 नि खौरां होदों

गोदान दिल्ली, 7 मे : दिनेन भारत हादतआव लक सभा बिसायख'थि 2024 नि 3 थि खोलोबनि भट सोनाय जादों। बे खाबुआव गुगलआबो गावनि इउजारफोरनो दुदोलनि गेजेरजों 2024 नि बिसायख'थिखौ लानानै मख'जाथाव खौरां मिबथिहोदों। दिने 7 मे 2024 आव गुगलआ दुदोलआव क्लक खालामनायजों लोगोसे मुलुगनाडै थानाय गावनि इउजारफोरनो भारतआव सोलिबाय थानाय बिसायख'थिनि बागै खौरां मिबथिहोदों। बेनि गेजेरजों गुगलआ इउजारफोरनो एबा भट होग्राफोरनो माबोरै भट होनांगौ, रेजिस्टारखौ माबोरै खालामनांगौ बायदिनि बागै मिबथिहोदों। भारत बिसायख'थि आयगनिफ्राय बुधुमनाय खौरांफोरजों लोगोसे गुगलआ

फोरमायदोंदि, सासे भटारआ गावनि मुंआ भटारफारिलाइयाव थायोब्लासो भटखौ होनो हागोन होन्नाबो मिबथिहोदों। गुगलनिफ्राय दुदोलआव मिबथिहोनाय खौरांनि बायदिब्ला बयनिखुइबो गिबियावबो भटार मावफारियाआ एबा बिबान मोन्नाय मावफारियाआ भटार फारिलाइयाव मुंखौ नायबिजिरो आरो आइडि पुफखौबो नायबिजिरो। बेनि उनाव गुबुन सासे भटार मावफारियाआ आसियाव खालि फुन्नाहो होयो आरो गांसे फिसा लेखा बिलाइ हरो, बेनि उनाव गांसे रेजिस्टार फर्मआव मुंसाइ होहोयो। बे लेखा बिलाइखौ थामथि मावफारियायो जमा हैनांगौ आरो खालि फुन्ना हरनायखौ दिन्थिनांगौ। बेनि उनाव भट थुया बुटआव थानानै गावनि

मोजां मोन्नाय बिजाथिनि सावगारिजों सेराव थानाय इभिएम मेशिननि बेलेट बाटनखौ थुनानै गावनि बेसेन गोसा भटखौ होनांगौ। बेनि उनाव भिभि पेट मेशिननि सांसां नुजानाय ग्लासआव नुजाथि फेनाय लेखा बिलाइखौ भट होग्राया गावनि मेगनजों नुनो हायो। बिजाथिनि सिरियाल नाम्बार, मुं आरो दिन्थिसिन गोनां बे लेखा बिलाइया 7 सेकेन्डनि थाखाय नुजायो आरो बेनिफ्राय बियो सिल गोनां भि भि पेट बक्सआव गोग्लैहोयो। सासे भटारआ बे खेबआव बिसायख'थि बादायनाय रवबो बिजाथिखौ मोजां मोनाब्ला नट थामहिनबा रवखौबो मोजां मोनै होन्ना सानजाब सिन होनाय बाटनआव थुनो हायो। बियो इभिएम मेशिननि जोबथारनाय बाटन।

## भारतनि खात्थिया खोला चीन लैथोनि बागै गोख्रों जागासिनो दं

गोदान दिल्ली, 7 मे : खोला चीन लैथोनि सायाव भारतनि खात्थियाबो बांसिन गोख्रों जागासिनो दं। भारतारि दे सात्थि हान्जानि सान्जा कमान्डनि गंथाम जाहाजफोरा खोला चीन लैथोआव दैथायहरनो थाखाय ओंखारलांबाय। बे फारियाव आइएनएस दिल्ली, आइएनएस शक्ति आरो आइएनएस किल्टनआ सिंगापुर सौफैबाय। बावैसो सान सिगां, भारतनि गाहाय दारिमिन जथाय अडानी युपनि अडानी पर्टस स्पेसियेल इक'नमिक जन (एपिएसइजेड)आ खोला चीन लैथोनि साखाथियाव फिलिपिन्स नोगोर बाटानाव मोनसे जाहाज गाथोन आरो बिरखं गाथोन लुनो थांखि दैखांदों, जायखौ थाबै नो फिलीपीन्स सोरखारा गनायथि होगोन होना साननाय जादों। रोंग'साफोरनि बायदिब्ला, गुबै सान्जा लाइखनि साखाथियाव



दं। एप्रिल 2020 माइथायनिक्राय लाइन अफ कन्ट्रल (एलएसी)नि माखासे बाहागोफोरनि सायाव नांलायनायखौ सुसांनायाव चीननि नोजोरखौ नोजोर होनां भारतनि गस'थानायाबो सोलायगासिनो दं। 06 मेखालि सिंगापुराव भारतारि जाहाजफोरखौ गाजा-गोमजायै बरायनाय जादों। बे दावबायनायखौ खोला चीन लैथोआव भारतारि नेवनि सान्जा कमान्डनि मावफु'आरि थिसननायनि बाहागो महरै खुंनय जादों। भारत आरो सिंगापुराव गोबाव समनिक्रायनो मोजां दिख सात्थि सोमोन्दोखौ रंजाखांबाय, जाय बैफोर जाहाजफोरनि दावबायनायजों आरोबाव गोख्रों जागोन। बावैसोनि बोसोरफोराव

मोन्ने नेभिफोरनि गेजेराव सोमोन्दोआ बांगासिनो दं। आत्थिखालाव सिगांनिखुइ बांसिन रयन्त्यायनाय जादों आरो गावजों गाव जाहाज गाथोनफोराव दिख सात्थि जाहाजफोरनि थांलाय-फैलाया बांगासिनो दं। रोंग'साफोरा खोला चीन लैथोआव चीननि बांलांनय गाग्लोबारि हाबाफारिफोरखौ भारत आरो सिंगापुरनि दिख रौनियाफोरनि गेजेराव बांलांनय सोमोन्दो आरो सावरायनायनि थाखायबो मुं होयो। 2021 माइथायनिक्राय, भारतआ खोला चीन लैथोनि साखाथिनि हादतफोरजों दिख सात्थि सोमोन्दोआव बांसिन हाबाफारि दिन्थिनो हमदों। बेयो गलवान हायेनाव चीननि रौनियाफोरनि हाबफेनाय आरो जुन 2020 माइथायाव भारत

आरो चीननि रौनियाफोरनि गेजेराव हिंसायारि दाखबाजिजोंबो सोमोन्दो दं। मार्च 2024 माइथायाव बायजो हायुंआरि मन्थि एस जयशंकरनि फिलिपिन्स, खोला क'रिया आरो जापान दावबायनायखौ खोला चीन लैथोनि फारसे भारतनि गोदान नोजोरनि महरैबो नायनाय जायो। मनिलायाव गावनि खौरां मेलाव जयशंकरआ बुंदोंमोन दि भारतआ फिलिपिन्सनि भुमखौराडरि जारगोराथिखौ आबुडे मदद होयो। जयशंकरनि बिबुथिया बे समाव फेदों जेब्ला चीन आरो फिलिपिन्सनि गेजेराव जेनाया बांबाय थादोंमोन। दरनै हादतनि गेजेराव थासारिया दिदोंमै गात्रि जालानायनि खौरांफोर दासिमबो दं। खोला चीन लैथोनि सायाव, भारतआ रोखा दि बे ओन्सोलाव

नांलायनायनि सायाव 2016 माइथायाव होनाय युनाइटेड नेशन्स एजेन्सि (इउएनएसएलएएस) नि थिरांथाखाय मावफुंनो। बे थिरांथाया फिलिपिन्सनि फारसेमोन, जायखौ चीनआ गनायथि होयाखैमोन। थानाय बोसोराव, राइज्योजों सामलायजानाय अएनजिसिनि हेफाजाबारि अएनजिसि विदेश (अभिएल) खौ सरकारा फेगौ थाम बोसोरनि थाखाय खोला चीन लैथोआव भियेतनामनि ओन्सोलायि दैयाव मोनसे थाव आरो गेस ब्लकआव नागिरनाय आरो नागिरबाय थानो गनायथि होदोंमोन। थाव आरो गेस ब्लकआ गोबाव समनिक्रायनो अभिएलजों दं नाथाय दासिम बेनिफ्राय जेबो पेट्रिलियाम दिहुनथाय मोननो हायाखै। बोसोर थामनि उनाव, अभिएलखौ नागिरबाय थानो गनायथि होनाय जायो। दासिम कम्पनीखौ दाइन खेब गनायथि होनाय जाबाय। चीनआ बे ब्लकाव भारतारि कम्पनीनि थाथायखौ गोबां खेब हेंथा होदोंमोन। बेखौ फोथायनाय जायो दि सोलोआरि गोनांथिखौ नायनानै, भारत सरकारा बे ब्लकनि सोमोन्दे बेबादि थिरांथा लागासिनो दं।

## राफा क्रसिनि फिलिस्तानी बाहागोखौ इज्राइलनि सात्थिफोरा दखल खालामबाय

जेरुजालेम, 7 मे : इज्राइलनि सात्थि हान्जाफोरा राफा क्रसिनि फिलिस्ताइननि बाहागोयाव थानाय ओन्सोलायि गावसोरनि बे'खनआव लानो हाबाय। इज्राइलनि आर्मी रेडिअआ मंगलबारखालि बेखौ दाबि दैखांदों। बेखौ रोखा खालामनो थाखाय इज्राइल सात्थिया थाबै नो मोनसे फिन्नायबो फोसावगोन होन्ना बुंदों। मख'जाथावदि, राफा क्रसिआ खोला गाजायाव मिस्त्रनि सिमनायाव दड। बेनि सानसे सिगां 6 मेखालि इज्राइल सात्थिया जायखि-जाया समावनो गावसोर राफायाव गाग्लोबनो हागौ होन्ना बुंदोंमोन आरो बेखौ नोजोर होना समबारखालि इज्राइल सात्थि



हान्जाया सान्जा राफाखौ नागारना थानो बैयाव थानाय फिलिस्तानीफोरनो बिथोन होदोंमोन। मख'नो गोनांदि, बेवहाय 10 लाखनिबो बांसिन दावहाजों बिथा खोमानायायनि फिलिस्तानीफोर आस्य लानानै

दड। हामास आरो इज्राइलनि दावहाया 7 दान जाबाय जेराव इज्राइलआ राफायाव हाबहैना दावहा नांनयनि गोबां खेब हुमखिबो होदों। मानोना बैयाव हामासनि रोजा रोजा दावहा नांग्राफोर आरो गावसोरनि

बे'खनआव लांनय सुबुंफोरखौ दोनहैदों होन्ना सन्देह' खालामनाय जादों। राफाखौ गावसोरनि बे'खनआव लानो हायोब्लासो दावहाखौ देरहानो हागोन होन्ना इज्राइल सात्थिफोर फोथायदों।

## गोदान सरकार दानायनि सिगां इन्डिया रेटिसआ जौगाखां हारखौ बांसिन होदों

मुम्बई, 7 मे : रेटि एजेन्सि इन्डिया रेटिस एन्ड रिचार्सआ समबारखालि सोलिफु रंखात्थि बोसोर 2024-25 नि जौगाखां हारखौ बांहोना 7.1 जौखोन्दो हमदाना लादों। बेयो आरबिइनि हमदानाय 7 जौखोन्दोनिफ्राय एसे बांसिन। एजेन्सिया बेनि सिगां जौगाखां हारखौ 6.5 जौखोन्दो थागोन होन्ना हमदाना लादोंमोन। डमेस्टिक रेटि एजेन्सिया बुंदोंदि, लात्थियै सरकारि सेभिंस खरसा, कपरिट आरो बैंकि बिथिनि गोख्रों बेलेन्स शिट आरो कपरिट सेभिंस खरसाया गोख्रों जानायनि जाहोनाव बियो गावनि जौगाखां हारखौ बांसिनै हमदानों। एजेन्सिया बुंदोंदि, बाहायनायनि डिमान्टआ बांसिन जाबोयै आरो मुलुगनां जेनाफोरजों दैथाइहरनायाव नुजाथिनो हाथाव जेनाफोरा जौगाखांनायाव गोहोम खोख्लै नो हागौ। अदेबानि एजेन्सिया आसाबो खालामदोंदि, सोलिफु रंखात्थि बोसोराव



गावयारि जोबथा बाहायनाय खेफोरथियाव जौगाखांनय बांनानै 7 जौखोन्दो जाहै नो हागौ, जायनि सिगांनि रंखात्थि बोसोराव 3 जौखोन्दोल'मोन।

### बकुल चन्द्र बसुमतारी

## कसारि आरो मेच राजाफोरा क्षत्रिय फोलेराव माबोरै जायगा लाहैदों ?

गुजौ मुगागि जागायजेननायाव मनुआ मनुस्मृति एबा हिन्दुफोरनि आइन लिखनानै फोसावलांदों दि, "ब्राह्मणः क्षत्रिय वैश्यस्त्रयो वर्णा द्विजातयः। चतुर्थ एकजातिस्तु शूद्र नास्ति तु पन्चमः ॥" (मनुस्मृति - जिथि बाहागो, बैथि शिरि।) बेनि ओंथिया जाबाय, ब्राह्मण क्षत्रिय आरो वैश्य बे मोनथाम बर्ननि सुबुंफोरखौ द्विज होन्नाय जायो। शूद्रआ ब्रैथि बर्न। बे मोनब्रै बर्ननि बादै रावखौबो हिन्दुफोर होननाय जाया। द्विजनि ओंथिया जाबाय खेबनै जोनोम लानाय सुबुंफोर। बिमानि गोबोनिफ्राय जोनोम लानाया सेथि जोनोम आरो गथ'आ देरनानै बुजिनो लानायाव गथ'नि उपनयन फोबो फालिनानै गथ'नो नैथि जोनोम होनाय जायो। नैथि जोनोम मोननायाव गथ'नो लगुन गानहोनाय जायो। बियो हिन्दुफोरनि नियम।

सिबिनाय हिन्दुधोरमआ लासै नो खर' देखांफिननायखौ नुनो मोननाय जायो। बंगलआव पाल बंशनि उनाव सेनफोरा राइजो खुंनो लानाय समाव हिन्दु धोरमआ गोगोम गोसार फेयो। ओजों कामरुपआवबो पालबंशनि राइजो खुंनया थुं गिगो लानायनि उनाव हिन्दु धोरम आरो हिन्दु सान्थौ, हिन्दुफोरनि नियमफोरा स' स' हाबफेनो लायो। बेनि थाखायनो क मतापुरीनि तिबेत-बरमन बड'फोलेरनि राजाफोरा हिन्दु धोरमनि आसार, बिसार आरो फोथायथिफोरखौ गावसोरनि न'मानआव थिस'नानै लायो। बिसोर हिन्दुआव हाबनो लाजेनो। मनुस्मृतिनि उनाव फोसावबावनाय जायोदि, क्षत्रिय सुबुंफोरआसो राइजो सालायनो मोनो, गुबुनफोरहा राइजो खुंनो मोनथाय गैजाया। बे बाथाया आराव जानाय लोगो लोगो सा-सान्जा राइजोफोरनि बड'फोलेरनि राजाफोरा। गावसोरखौबो क्षत्रिय सुबुं हान्जायाव सन्देर होनो जाउरि जाखाडो। ह'रै हाय हिन्दुफोरा। मा उपायजों हिन्दु नडेफोरखौ हिन्दुआव सोनो हायो, बेनि

उपायफोरखौ पुरानआव लिरनानै धोरोमनि बिथोन होननानै बायदि नियम आरो मावथाय फोसावनो लायो। जिदाइन पुरानफोरखौ लिरनानै फोसावनो लायो। जिदाइन पुराननिनो मोनसे मत्स पुरानआव लिरनानै फोसावयो दि, मोनजिड' महादान होनाय धोरोमनि बिथोनखौ फालिफुं नानै सुबुंफोरा गुस्तायनो एबा गुरग'नो हायो। हिन्दु नडै राजा एबा राजबंशनि सुबुंफोरा बे मोनजिड' महादाननि "हिरन्यगर्भ महादान"खौ मावफुंनानै क्षत्रिय हान्जायाव हाबनो हायो होननानै फोसावनाय जायो। बड'फोलेरनि राजाफोरा मिनि रंजा हिरन्यगर्भ महादान फालिनानै हिन्दुफोरनि क्षत्रिय हान्जायाव हाबहै नो लायो। क'च बिहारनि मेच राजा, कासारनि कसारि राजाफोर आरो त्रिपुरानि क'क-बर'क राजाफोरा हिरन्यगर्भ महादान फालिफुं नानै गावसोरखौ क्षत्रियफोर होननानै लानाया बावयैनि बाश्ना। ह'रै हाय नेपालनि बड' राजा सांला ईनि फिसौफोरा हिन्दुफोरनि हिरन्यगर्भ महादान फालिनानै गावसोरखौ हिन्दु रायफोर होननानै फोसाव लाडो।

सावरायलांनयाव गोरलै जाथों साननानै मोनजिड' महादानखौ बेवनो मख'नानै दोननाया गाहाम। बिसोर जाबाय; 1. दुलापुरुस, 2. हिरन्यगर्भ, 3. ब्रह्मन्ड, 4. कल्पयदाप, 5. ग'सहस्र, 6. हिरन्यकामधेनु, 7. रिनन्यस्व, 8. पन्चलांगल, 9. धरा, 10. हिरन्यस्वरथ, 11. हेमहस्तिरथ, 12. बिष्णु चक्र, 13. कल्पलता, 14. सप्तसागर, 15. रत्नधेनु आरो 16. महाभुतधत। मोनजिड' महादान होनायाव राजाया स'ना दान होनो गोनांमोन। जे महादानखौ मावफुंदों, बे महादानआव मख'नाय लेखा स'ना होनांगौ जायोमोन। जेरै तुलापुरुस महादानआव राजाया सेरनि मोनसे पाल्लयाव गाखोनानै गुबुन पाल्लयाव गावनि अजनजों समान स'ना सुनानै दान होनायमोन। हिरन्यगर्भ'नि ओंथिया जाबाय ग'साइ एबा ब्रह्मानि गोरबो एबा

फिसाख'। बे महादानआव स'नाजों गोरबो मोनसे दानानै बे स'नाखौ दान होनाय जायोमोन। हिरन्य गर्भ फालिनाय राजाया बे गोरबोआव हाबनानै जोनोम जाफिननाय बादि ओंखारफिननो गोनां जायोमोन। हिरन्य गर्भ फालिनायाव खायसेबा थामफुट गोथो हाख'र जावनानै राजाखौ बे हाख'रआव हाबहोनाय जायोमोन। गाहायाव मख'नाय मोन्थोरखौ बामोनआ आवरायनानै हिरन्य गर्भ फालिनायखौ जागाय जेन्नाय मोन। "ब्रह्मैर-आनयेत कुन्डम तपनिय-मयेम सुभम्। द्वाप्तति-अंगुल-अच्छयम हे मपंकज-गर्भत।" बामोनआ बे मोन्थोरखौ आवरायखानायनि उनाव राजाया गाहायाव मख'नाय मोन्थोरखौ आवरायनानै आर'ज गाबनांगोमोन। "भूर-लोक प्रामुखा लोकस्तव गर्भं व्यवस्थिताः। ब्रह्मादयस्तथा देवा नमस्ते विश्वधारिणः ॥" बे मोन्थोरखौ आवरायखानानै राजाया हाख'र

एबा गोरबोआव हाबनायमोन। बेनि उनाव सासे बिमानाव फिसाथानाय, गोरबोआव फिसा लानाय आरो फिसा जानाय समाव जे मोन्थोरखौ आवरायनाय जायो बे मोन्थोरखौ बामोनआ आवरायनायमोन। "एवमामन्त्रय तन मध्यम विरचयन् भव उदानमेकम। मुंस्तिथयाम परिसंग्रय धर्मराज चतुरमुखौ ॥ जानुमध्ये सिर कृत्वा तिस्थेत स्वस पन्चकम् ॥ गर्भानाम पुंसवनम सिमोन्नयम तथाः ॥ कुरयुर-हिरन्य गर्भस्य ततास्ते द्विज-पुंगवः ॥" मोन्थोर आवरायखानानै बामोनआ राजाखौ गोबोनिफ्राय दिहुन्नानै लाबोयोमोन। बेनि उनाव गथ' जोनोम जानायाव जे मोन्थोरखौ आवरायो बेखौ आवरायनानै गथ' जोनोम जानायाव मावनो गोनांफोरखौ मावनाय जायोमोन। गोदान जोनोम लाखानानै राजाया गाहायाव मख'नाय मोन्थोरखौ आवरायनानै आर'ज गाबनांगोमोन। "मात्राहाम जनिताः

पूर्वम मात्राधर्मा सुरोत्तम। त्वद गर्भं सम्भवाद एस दिव्यदेह भव्यामि अहम।" बेनि ओंथिया जाबाय, नै आनान ग'साइ! गिबिआव आइनि गोबोनिफ्राय जोनोम मोननानै आं संसारआव नुजाफेदों। दा नोनि गोरबोनिफ्राय जोनोम लानानै आं नोनि फिसा जाबाय।" राजाया हिरन्य गर्भ महादान फालिखानानै गोदानयै क्षत्रियफोलेरआव जोनोम मोनफिननायमोन। दानहोनाय स'नानि गोरबोखौ बामोनआ मोनलानायमोन। कासारनि कसारी बर' राजा आरो क'चबिहारनि मेच बर' राजाफोरा हिरन्यगर्भ महादान फालिनायाव मोसौ गायनि महरआव स'नानि गोरबो बानायदोंमोन। गोजौआव मख'खानाय मोन्थोरखौ आवरायनानै बर' राजाफोरा मोसौ गायनि गोरबोसिडाव हाबलानानै बेनिफ्राय गोदानयै उज्जिफन्दोंमोन। मोसौ गायनि महरआव स'नाजों बानायनाय गोरबोखौ दान मोननानै बिबोरनि बामोनफोरा जोबोर खुसि जादोंमोन। कासारनि बर' कसारिफोरखौ अरायनि थाखाय हिन्दु क्षत्रियफोर खालायनानै

दोन्नो थाखाय कसारि राजानि बामोनआ कसारिफोरखौ पाण्डबफोरनि भीमजों सन्जायनानै दोनलांदों। ओजोंहाय, क'चबिहारनि मेच-बर'फोरखौ क्षत्रिय राजा सहस्राजुंनि फिसा-फिसौफोर होननानै बामोन फोरा फोसावनानै होदों। बिदि बादि खालायनानै क'च बिहार आरो कासारखौ हिन्दुफोरनि राइजोफोर होननानै बिबुंसारनाय जादों। हिन्दुआव हाबखानानै गावसोरनि रावखौबो बिसोर बोखे-बोखा खालायनानै फे नानै लादों। बे बादि खालायनायनि फायनो असमीया आरो बंगली अपभ्रंश रावफोरा बेरखांबोदों। बेनि खिथिरआव बर' राव रायग्रा सुबुंफोरनि अन्जिमाया सानफा एफा थुं गिबोनो हमदों। राजा आरो राजबंशनि बर'फोरा हिरन्यगर्भ महादान फालिफुं नानै हारसाफोर जालांदोंब्ला साधारन बर'फोरा आलाइ-सिलाइ हाग्रा-बंग्रा राइजो जाबोनानै दिने गावसोरनि सिनायथि होनो थाखाय सोमावसारानदों। गावसोरनि रावजों रायलायनो आरो फरायनो थाखाय जांखिखानांदों।

## पेरिस अलिम्पिक 2024 एथलेटिक्सआव भारतआ मोन्बै मोजां खौरां मोन्बै

गोदान दिल्ली, 7 मे: बे बोसोरनि जुलाइ-आगस्तआव फ्रान्सनि पेरिसआव जानो गोनां अलिम्पिकनि बागै भारतनि थाखाय मोजां खौरां फैंदों। भारतनि हौवाफोर आरो हिन्जावफोरनि 4x400 मिटर रिले टीमफोरा बे गेलेमुफोरनि थाखाय क्वालिफाइ जाबाय। मोन्बैबो हान्जाया समबाराव वर्ल्ड एथलेटिक्स टुर्नामेन्टआव बे जाफुंसारनायखौ मोन्बै हार्दोंमोन। पेरिस अलिम्पिक-2024 आ 26 जुलाइनिफ्राय जागायगायगोन आरो टिम इन्डियाआ बे गेलेमुफोराव टकिय' अलिम्पिक-2020 निखुइ साबसिन दिन्थिफुंनो नाजागोन। टकिय'आव भारतआ मोन स्त्रि मेडल देरहादोंमोन। रुपल चौधरी, एमआर पुवामा, शुभा वेंकटेशन आरो ज्यक्तिका श्री दान्डीनि भारतारि आइजो



हान्जाया हीट-1 आव नैथि थाखोआव थानानै पेरिस अलिम्पिक गेम्सनि थाखाय क्वालिफाइ जायो। क्वार्टेटआ थाम मिनिट 29.35 सेकेन्डआव बा 1 द 1 य ल 1 य न 1 य खौ फोजोबदोंमोन आरो नैथि जायगा आवगिनो हार्दोंमोन आरो गेम्सआव गावसोरनि जायगाखौ रोखा खालामदोंमोन। सैथि

जायगाया जामैकानि हान्जामोन, जाय थाम मिनिट 28.54 सेकेन्डआव खारनायखौ फोजोबदोंमोन आरो अलिम्पिक टिकेट खौ दान्स'दोंमोन। आइजोफोरनि हान्जाया गासै हार्दोनो होनाय मोजां खौरांखौ हौवाफोरनि हान्जाया दान्दिसे समनि उनावनो नै गुन खालामदोंमोन। हौवाफोरनि

हान्जाया अलिम्पिक टिकेटबो मोन्बै हार्दोंमोन आरो नैथि थाखोआव थार्दोंमोन। मुहम्मद अनस याहिया, मुहम्मद आजमल, अरकिया राजीव आरो अमोज जेकबआ थाम मिनिट 3.23 सेकेन्डआव रेसखौ फोजोबदोंमोन आरो टिकेट मोन्बै हार्दोंमोन। नेम-खाथिनि बायदिल्ला, मोनफ्रोम हीटआव टप-2 टीमफोरा अलिम्पिकनि थाखाय क्वालिफाइ जागोन। बे गासैबो हान्जाया 26 जुलाइनिफ्राय 11 आगस्तनि गेजेराव जानो गोनां अलिम्पिक गेलेमुफोराव गावजों गाव बादायलायगोन। हौवाफोरनि हान्जानिफ्राय आबु मिर्जिथिनाय दंमोनदि, बे हान्जाया अलिम्पिक टिकेटखौ खमायनो हागोन, नाथाय आइजोफोरनि हान्जाया 'सेसल' मिर्जिथिनायमोन। बबेखानि, आइजो हान्जाया मोजाडे दिन्थिफुंनोमोन आरो टिकेट मोन्बै हार्दोंमोन।

## रहित शर्माआ माखासे समनिफ्रायनो गाज्रि फर्मजों जुजिगासिनो दड



गोदान दिल्ली, 7 मे: मुम्बाइ इन्डियान्सनि स्टार अर्पेनार रहित शर्माआ माखासे समनिफ्रायनो गाज्रि फर्मजों जुजिगासिनो दड। रहित शर्मा, जायखौ 'हितमेन' मुडै मिर्जिथिनाय जायो। समबाराखालि सानराइजार्स हाइड्राबादनि बेरेखायै 4 रानल' बानायखांनारनि उनाव डगआउटआव फैंफिनो। हाइड्राबादनि केप्टेन पेट कामिन्सआ उडकेटकपार क्लासेननि केच हमनायजों रहित शर्मानि इन्सिखौ फोजोबदोंमोन। मुम्बाइ इन्डियान्सनि इन्सिन समाव रहित शर्मानि मोनसे थिडिआ भाइरेल जादोंमोन, जेराव बिथाड जोबोद दुखु मोन्बैमोन।

रहित शर्माखौ गोसो बायनानै खर' गंगलायनानै खर' सुनाय नुनो मोन्बैमोन। रहित शर्मानि थासाारि खौ नुनान अनसायगिरिफोराबो दुखु गोनां जायो आरो खनसेनि बांसिन फिनजाथाय होयो। रहित शर्माआ सिगांनि 7 इन्सिआव 297 रान बानायदोंमोन आरो जोबथा मोनबा इन्सिआव बिथाड 33 रानल' बानायनो हार्दोंमोन। थांनार मोनबा मेचफोराव गावनि स्करखौ नायनानै बिथाड फारियै 4, 11, 4, 8, आरो 6 रान बानायदोंमोन। थामहिनबा, बिथाड मोनबा मेचफोराव 33 रानल' बानायदोंमोन। टी-20 वर्ल्ड काप 2024 नि सिगां

रहित शर्मानि गाज्रि फर्मआ जिगानि जाहोन जाबाय। मुंदांखा बुथिगिरि हर्ष भोगलेआ गावनि मावख'आरि एक्स हेन्डलआव रहित शर्मानि फ्लप शव'नि सोमोन्दै बुंदोंमोन दि, बेयो मोनसे जिगानि बाश्रा। बिथाड पस्ट खालामदोंमोन, 'रहित शर्मानि फर्मआ दा एसे जिगासिनांगो। गावनि गिबि 7 इन्सिआव बिथाड 297 रान बानायदोंमोन आरो उनि मोनबा इन्सिआव 33 रानल' बानायनो हार्दों। जोबथाया रोखा जानांगोन। रहित शर्माआ फ्लप जानो हागो, नाथाय सुर्यकुमार यादव (102) रान लानारनि थाखाय मुम्बाइ इन्डियान्सआ सनराइजार्स हाइड्राबादखौ 16 बल थाबावनाय समाव 7 उडकेजों फेजेनदोंमोन। वानखेडे स्ट्रेडियमआव गेलेनाय मेचआव, सनराइजार्स हाइड्राबादआ सिगां 'बेटी' खालामदोंमोन आरो थिखानाय फिननायाय मुम्बाइआ 17.2 अभावाव साथाम उडकेट खोमानानै थांखिखौ जाफुंसारहोनो हार्दोंमोन।

## भारतआ आइजोफोरनि टि-20 आव बांग्लादेशखौ डकवर्थ-लुईस आदबजों मेचखौ 56 रानजों फेजेन्दों

गोदान दिल्ली, 7 मे: भारतनि आइजो हान्जाया बांग्लादेशनि हेंथायै खेबब्रै देरहादों। ब्रैथि टि-20 आ अखाजों हेंथा होजादोंमोन, जायनि जाहोनाय मेचखौ 14-14 अभावाव बाडय खालामनाय जादोंमोन। भारतआ डकवर्थ-लुईस आदबजों मेचखौ 56 रानजों देरहायो। बेजों लोगोसे, भारतनि आइजो हान्जाया मोनबा मेचनि टि-20 सिरिजआव 4-0 जों सिगांदों। बेनि सिगां भारतआ गिबियाव बेटी खालामनानै 6 विकेटआव 122 रान बानायदोंमोन। प्लेयार अफ दि मेच हरमनप्रितआ 26 बलाव 39 रान बानायदोंमोन। ऋचा घषआ 24 रान बानायदोंमोन। फिननायाव बांग्लादेशनि हान्जाया 14 अभावाव 68/7 ल' बानायनो हार्दोंमोन। टस जेननानै सिगां बेटी खालामनानै भारतनि जागायनाया मोजां




नडमोन। अपेनार शेफालि वर्माया 4 स्करआव आउट जायो। बियो 4 बलाव 2 रानल' बानायदोंमोन। बे समावनो, स्मृति मंधानायाबो 18 बलाव 22 रान बानायना फैंफिनो। बे समावनो हेमलतायाबो 14 बलाव 22 रान बानायदोंमोन। केप्टेन हरमनप्रित कौर आरो ऋचा घषआ ब्रैथि विकेटनि थाखाय 44 राननि बाहागोदारि

खालामदोंमोन। हरमनप्रित कौरआ 39 आरो ऋचा घषआ 24 रान बानायदोंमोन। थांखिखौ होसोनानै बांग्लादेशनि जागायनाया जोबोद लासैमोन आरो हान्जाया पावारप्लेनि ब्रै अभावाव मोनसे विकेट खोमानानै 21 रानल' बानायनो हार्दोंमोन। बे समाव हान्जाया मुर्शिदा खातुन (01) नि विकेट खोमादोंमोन, जायखौ

विकेटकपार ऋचा नि आखाइयाव दिपतिआ कैच आउट जादोंमोन। दिलाराया 25 बलाव मोन्बै ब्रै रानजों 21 राननि लासै लासै गेलेखानारनि उनाव दिपति आखाइयाव एलबिडब्लुउ जायो। रुबियाआबो मोनसे बलनि उनाव रान आउट जादोंमोन। श'भनाया केप्टेन निगारा सुलताना (01) खौ एलबिडब्लुउ आउट खालामदोंमोन, मानोना बांग्लादेशआ ब्रै बलनि गेजेराव से विकेटआव 38 राननिफ्राय ब्रै विकेटआव 39 रान बानायदोंमोन। बांग्लादेशनि हानजाया 14 अभावाव 7 विकेट खोमानानै 68 रानल' बानायनो हार्दोंमोन। भारतनि जानानै दिपति शर्मा आरो आशा श'भनाआ 2-2 विकेट लायो। पुजा आरो राधा यादवआ 1-1 विकेट मोनोनो हार्दोंमोन।

## प्रिमियर लिगआव मैनचेस्टर युनाइटेडखौ क्रिस्टल पेलेसआ 4-0 गल जों फेजेन्दों

लण्डन, 7 मे: माइकेल अलिसआ गलनि मोनसे ब्रेस बानायदोंमोन मानोना क्रिस्टल पेलेसआ समबाराव सेलहर्स्ट पार्कआव 4-0 जों देरहानानै गावनि जागिरिनाय गिबि खेबनि थाखाय मैनचेस्टर इनाइटेडनि सायाव लीग डबल फोजोबदों, जाय एरिक टेन हेगनि सायाव नारसिननायखौ बांहोगोन। मोनसे अरायथा नडि जुथाइ रैखाथि जेराव सेन्टार-बेकआव कासेमिर'खौ लाफानाय दंमोन, गोबां समफोराव पेलेसजों गोलेयैनो सायख' जादोंमोन, मानोना जीन-फिलिप माटेटा आरो टायरिक मिशेलआबो गोहोम गोनां देरहानायाव स्करशीटआव दंमोन। इनाइटेडआ 35 मेचफोराव 54 पन्टजों दाइनिथि फारियाव दं, द'थि फारियाव न्युकैसल इनाइटेडनिफ्राय नै पन्टनि उनाव, फैंगौ सिजनआव इडर'पनि जोलुरनि मिर्जिआ गोखेयै गोमालांगोन। पेलेसआ दासिमबो 36 मेचफोराव 43 पन्टजों 14थि सारियाव दं। इनाइटेडआ गोबां दुखु मोनाखे मोन आरो बुन' फर्नान्डसनि अनगा दंमोन, गावनि 230-गेम अल्ल ट्रेफर्ड केरियारआव गिबि खेबनि थाखाय बिथाड दुखु मोननायजों मोनसे मेचखौ खोमाना लादोंमोन, नाथाय जाय गोरलैयै



बिथांमोनखौ फेजेननाय जादोंमोन बेयो क्लाबाव बयनिबो थाखाय मोनसे गिदिर जिगा जागोन। 'मोनसे गिदिर निराशा। जोंहा मोनसे अफ-डे दंमोन आरो जों बेयाव गैयामोन, 'मिडफील्डर क्रिस्चियान एरिकसनआ बिबिसिनो बुंदोंमोन। 'बियो बेनो। जों थारैनो दुखु मोन्नाय जिरादफोरखौ सोलायनो हाया। बेखौ सोलायनो थाखाय जों पिचआव जेसेबां हायो मावनांगोन।' दिनै जों सोर गेलेदोंमोन बेयो जेबो गिदिर बाश्रा नडमोन। बयबो साबसिन मावनो हागौमोन। जों जाय हायो बेखौ मावनो नाजादोंमोन नाथाय जों थोजासे मोजां नडमोन। जों गेलेगिरि महरै दायनिगिरिखौ लागोन। प्रिमियर लीग मुगायाव बेयो गिबि खेब जेब्ला इनाइटेडआ मोनसे सिजनआव 13 मेचफोर

जेनदों आरो स्कर'रलाइनआ गाजिसिन जानो हागौ। नख'रारि हान्जाया 12 मिनिटनि गेजेराव सिगां लादोंमोन मानोना अलिसआ मोनसे खुबेनायखौ बुथुमदोंमोन आरो कासेमिर'निफ्राय लांदां एरिकसनआ बिबिसिनो बुंदोंमोन। 'बियो बेनो। जों थारैनो दुखु मोन्नाय जिरादफोरखौ सोलायनो हाया। बेखौ सोलायनो थाखाय जों पिचआव जेसेबां हायो मावनांगोन।' दिनै जों सोर गेलेदोंमोन बेयो जेबो गिदिर बाश्रा नडमोन। बयबो साबसिन मावनो हागौमोन। जों जाय हायो बेखौ मावनो नाजादोंमोन नाथाय जों थोजासे मोजां नडमोन। जों गेलेगिरि महरै दायनिगिरिखौ लागोन। प्रिमियर लीग मुगायाव बेयो गिबि खेब जेब्ला इनाइटेडआ मोनसे सिजनआव 13 मेचफोर

रैखाथिया गावसोरनि बा न जाय गिरि फोरनि सोमावसारनायखौ होबथानो जुजिगासिनो दंमोन आरो जेब्ला डिग' डालटआ उननि पस्टआव मोनसे बलजों मोगा-मोगि जानायाव फेलें जादोंमोन, अब्ला मिशेलआ टेप-इन खालामदोंमोन। अलिजनि नैथि गलआ गारायाव बांसिन संखि दाजाबदेरदोंमोन आरो बेयो दावबायारिफोरनि थाखाय गाजिसिन जानो हागौमोन मानोना अडस'न एडुवार्डआ गावनि शटखौ जोबनायाव द'फांनि हाबानिफ्राय फैंफिननाय नुदोंमोन। 'आं सानो जों मेचफोराव गुथि गलनि थाखाय बलखौ नेटआव जोसन्दोंमोन। स्ट्राइकरआ बेनि सिगां पेलेसनि थाखाय गावनि सिगांनि 80 मेचफोराव 11 गल सोदोंमोन। इनाइटेडनि अरायथा नडि

रैखाथिया गावसोरनि बा न जाय गिरि फोरनि सोमावसारनायखौ होबथानो जुजिगासिनो दंमोन आरो जेब्ला डिग' डालटआ उननि पस्टआव मोनसे बलजों मोगा-मोगि जानायाव फेलें जादोंमोन, अब्ला मिशेलआ टेप-इन खालामदोंमोन। अलिजनि नैथि गलआ गारायाव बांसिन संखि दाजाबदेरदोंमोन आरो बेयो दावबायारिफोरनि थाखाय गाजिसिन जानो हागौमोन मानोना अडस'न एडुवार्डआ गावनि शटखौ जोबनायाव द'फांनि हाबानिफ्राय फैंफिननाय नुदोंमोन। 'आं सानो जों मेचफोराव गुथि गलनि थाखाय बलखौ नेटआव जोसन्दोंमोन। स्ट्राइकरआ बेनि सिगां पेलेसनि थाखाय गावनि सिगांनि 80 मेचफोराव 11 गल सोदोंमोन। इनाइटेडनि अरायथा नडि

## बोथोर गाज्रिनि थाखाय कलकाता नाइड राइडार्सनि हान्जाया कलकातासिम दावबायनायाव जेनाजों मोगा-मोगि जानांदों

गोदान दिल्ली, 7 मे: जेब्ला कलकाता नाइड राइडार्स हान्जानि सोद्रोमाफोरा समबारनि बेलासिनि 5:45 रिंगायाव कलकातासिम फैनो थाखाय लक्षनौ बिरखं गाथोननिफ्राय बिरखंआव गाखोदोंमोन, अब्ला बिथांमोनहा सानाखेमोन दि, बेयाव सौहैनाया एसेबां गोब्राब जागोन। कलकातायाव फैनारनि सिगां बिथाड गुवाहाटी आरो उनाव बनारसआव गिदिनांदोंमोन। बिसोरों जोबनायाव मंगलबारनि सानजौफुआव 'सिटी अफ जय'



सौहैयो। समबारनि मोनाबिलियाव कलकाता थांग्रा केकेआरनि चार्टर बिरखंआ गाज्रि बोथोरनि थाखाय दम दम बिरखं गाथोनाव ओंखारनो हायाखैमोन। फ्लाइटआ मोनाबिलि 7:25 रिंगायाव बाख्खालानांगौमोन। बै समाव कलकातायाव बारहुंखाजों अखा हागासिनो दंमोन। पाइलटआ

खैफोद लायाखैमोन आरो बिरखंखौ गुवाहाटी फारसे दानस्लायहरनाय जादोंमोन। मोनायाव, चार्टर बिरखंआ गुवाहाटी बिरखं गाथोननिफ्राय कलकातासिम बिरदोंमोन, नाथाय बोथोर गाज्रिनि जाहोनाव बे खेबावबो दम दम बिरखं गाथोनाव बिरनो हायाखैमोन। बेनि

उनाव बिरखंखौ बनारस बिरखं गाथोनसिम लांनार जादोंमोन। हान्जानि सोद्रोमाफोरनि थाखाय बनारसनि ताज गन्जआव हरसे थानो लाहार-फाहार खालामनाय जादोंमोन। बाराणसीआव थानाय समाव, भैभव अरोरा, अनुकुल राय, भरुण चक्रवर्ति, मनीष

पान्डेजों लोगोसे गोबां गेलेगिरिफोरा फुडव काशी विश्वनाथ थानसालियाव थार्दोंमोन। बिथांमोनहा बनारस गाथोन फोर खौ बे दावबायदोंमोन। कलकातानि हान्जाया जोबनायाव मंगलबारनि सानजौफु 1:15 रिंगायाव बाराणसिनफ्राय ओंखारलांदोंमोन आरो बेलासिनि 2:40 रिंगायाव कलकाता सौहैदोंमोन। कलकातानि हान्जाया बे सिजनआव गोखों महराव दड आरो मोनसे मोजां गेलेमु दिन्थिगासिनो दड। बे हान्जाया रबिबाराव लक्षनौ सुपर जाइन्सखौ 98 राननि गिदिर फारागथिजों फेजेनदोंमोन। दायो बे हान्जानि फैंगौ मेचआ 11 मेआव मुम्बाइनिफ्राय इडेन गार्डेन स्टेडियमाव खुंजागोन।

## फैगौ 9 मेआव मालदिबनि बायजोआरि मन्थि जामिरआ भारत दावबायगोन

गोदान दिल्ली, 7 मे: भारतजों सोलिबाय थानाय दान्थे-बिदान्थेनि गेजेराव मालदिबनि बायजोआरि मन्थि मुसा जामिरआ भारत दावबायफेनायनि खोथा दं। बायजो हायुंआरि बिफाना मोनसे रादाव बिबुंसार फोसावनानै बुंदोंदि, फैंगौ 9 मेखालि मालदिबनि बायजोआरि मन्थि मुसा जामिरआ मोनसे मावख'आरि दावबायनायाव भारतआव फैंगोन। मिनिस्ट्रि एम एक्सटारनेल एफेयार्सनि बायदिब्ला गोदान दिल्ली दावबायनाय समाव, बायजो हायुंआरि मन्थि जामिरआ भारतनि बायजो हायुंआरि मन्थि ए एस जयशंकरखौ लोगो



हमगोन आरो दर्सैबो हादत आरो ओन्सोलारि आयदाफोरनि सायाव सावरायगोन। प्रेस रिजिजआव बुंबावोदि

'मालदिब हिन्द भारतआ लैथोमा ओन्सोलाव (आइअआर) भारतनि गाहाय लैथोआरि नसुंसेनि आरो बायजो

हायुंआरिमन्थि जामिरनि दावबायनाया दर्सैबो हादतनि गेजेराव हेफजाबखौ आरोबाव गोखेथि होबावनायनि मिर्जिथिजादों।